

1

2

নলিনী-বসন্ত

নাটক ।

মহাকবি সেক্সপিয়র কৃত

টেম্পেষ্ট্ নামক নাটক অবলম্বনে
বিরচিত ।

“Sweetest Shakespeare Fancy’s child
Warbling his native wood-notes wild

“ভারতের কালিদাস. জগতের তমি ।”

কলিকাতা

২৯৩ নং নন্দকুমার চৌধুরীর লেন হইতে

আর্য্য-সাহিত্য-সমিতি কর্তৃক

প্রকাশিত ।

(সংশোধিত সংস্করণ)

স্ত্রীপুরুষদিগের নাম ।

চিত্রধ্বজ গুজরাটের রাজা ।

রূপ তম্র ভ্রাতা ।

বৈজয় স্ত কঙ্কনের রাজা ।

অনন্ত তম্র ভ্রাতা এবং কঙ্কনরাজ্যাপহারক ।

বসন্ত গুজরাটের যুবরাজ ।

প্রচেতা গুজরাটরাজের বৃদ্ধমন্ত্রী ।

ভরত } গুজরাটভূপতির দুইজন সভাসদ ।
বিজয় }

বর্কটউদয় গুজরাটের রাজভাগুরী ।

তিলক গুজরাট ভূপতির জনেক ভৃত্য ।

নলিনী বৈজয়ন্তের কন্যা ।

সুমালী প্রধান পরি ।

শচী, লক্ষ্মী-চপলা ইত্যাদি, ছদ্মবেশধারী অন্যান্য

পরিগণ ।

প্রস্তাবনা ।

নট । বৈজয়ন্ত নামে রাজা কঙ্কনভূপতি
নিরবধি যাতুবিদ্যা করি আলোচনা,
হারাইল রাজ্যদেশ, ভ্রাতার কপটে ;
ভাসিয়া সাগর নীরে, অরণ্য পুলিনে,
বালিকা কন্যার সহ দ্বাদশ বৎসর,
করিল অজ্ঞাত বাস, পড়িয়া বিপাকে,
পরে কুহকের শক্তি প্রকাশি অসীম
বিপক্ষ দমন করি ফিরিল স্বদেশে ।
এ আখ্যান চমৎকার শুন মন দিয়া
শুনিলে কোতুক হবে চিত্ত বিনোদিয়া ।
[প্রস্থান ।

নলিনী-বসন্ত ।

প্রথম অঙ্ক ।

প্রথম গর্ভাঙ্ক ।

সমুদ্রে ঝড় বৃষ্টি, সেই ঝড়ে একখানি জাহাজ ভগ্ন ও মগ্ন হইতেছে
(স্কাপের উপরিভাগে সমুদ্রের কিনারায় বৈজয়ন্ত
এবং নলিনীর প্রবেশ ।)

নলি । দেখ পিতা, চেয়ে দেখ—অশান্ত সাগরে,
তরঙ্গ ছুটেছে কত ভয়ঙ্কর বেগে
ভৈরব নিনাদ করি ;—শূন্য অন্ধকার,
দেখ গো মেঘের ঘটা অবনী নাশিতে,
জলদ উগারে যেন জ্বলন্ত অঙ্গার ।
ক্রোধেতে অধীর যেন গভীর জলধি
উথলি উঠিছে তাই পাতাল তাজিয়া,
নিবাইতে মেঘানল তরঙ্গ আঘাতে ।
পিতা গো, নিবার মায়া—মায়া মজ্জে যদি
তুলে থাক এ ঝটিকা, কর শাস্ত তবে—
কর শাস্ত, কর দেব—অশান্ত সাগরে ।
আহা ! সে তরঙ্গীখানি কিবা মনোহর !

নলিনী-বসন্ত ।

তার গর্ভে মনোহর কতই পরাণী
 অবশ্য ছিল গো পিতা ;—সকলি সংহার
 হলো কি সাগর গর্ভে পলক ভিতরে !
 মরি মরি অভাগারা কতই চীৎকার
 করিল গো মৃত্যুকালে—বিদারিল হিয়া !—
 হায় ! তারা মরিল কি সাগরের জলে ?
 হায় রে ! আমার যদি দেবতার বল
 থাকিত, তা হলে আমি গণ্ডুষে শুষিয়া,
 জলধিজঠরে তারা পশিবার আগে,
 শুখাতাম জলধিরে—অথবা পাতালে
 পাঠাইয়া বাধিতাম ছরন্ত সাগরে ।

বৈজ । স্থির হ মা—স্থির হ ;—অনিষ্ট ঘটে নি ।

নলি । কি দুর্দিন !—হায় !

বৈজ কেন বাছা, হতেছিল এতই উতলা ?
 ঘটে নাই অমঙ্গল অনিষ্ট কাহার ;—
 প্রাণাধিকা দুহিতা রে তোরই জন্যে সব ।—
 হা সরলে ! জান না মা—কে আমি, কে তুমি,
 এতছি কোথায় হোতে ;—ভাবিস্ গো স্মৃধু,
 আমি ক্ষুদ্র বৈজয়ন্ত তোমার জনক,
 এই ক্ষুদ্র গিরিগুহা, কুটীর নিবাসী ।

নলি অন্য কিছু জানিতেও, পিতা গো, কখন
 হয় নাই অভিলাষ ।

বৈজ এবে তোরে আরো কিছু হবে গো জানাতে ;
 খুলে রাখি আগে এই মায়া-পরিচ্ছদ ;—
 (নে ত মা, খুলে দেতব) (পরিচ্ছদ রাখিয়া)

—থাকু অই থানে

থাকরে কুহকী তুই ।—মুছাও নয়ন
 মা তোমার, হও শান্ত, কর চিন্তা দূর ;—

ব্যাকুল হয়েছে চিত্ত যে ছর্যোগ দেখে,
সংযোগ করেছি তার হেন স্নকৌশলে,
হয় নাই কারু দেহে লোমাস্ত নিপাত ।

জলমগ্ন তরিমাঝে যাদের চাৎকার
শুনিয়া, অন্তরে তোর লাগিল আঘাত,
প্রাণে বেঁচে, প্রাণাধিকে আছে গো সকলে ।

বসো মা কিঞ্চিৎ এবে শুনাব তোমায় ।
নলি । কতবার, পিতা তুমি, বলিবে বলিলে ;
বলিতে আরম্ভ করি বলিলে না আর ,
বারম্বার অনুন্নয় করিলাম কত,
সময় হয় নি বলে নিরস্ত হইলে ।

বৈজ্ঞ । সে সময়, ওরে বাছা, হয়েছে এখন ;
এখনি শুনাব তোরে শ্রবণ ভরিয়া ;—
হ্যাঁ নলিন, হ্যাঁ গা তোর পড়ে কি গা মনে
এ গুহাতে আসিবার বিবরণ কিছু ?
কোন কথা আগেকার আছে কি স্মরণ ?
বুঝি তা মনে নাই—তখন শৈশব
ছিলি তুই তিনবর্ষ পূর্ণ হয় নাই ।

নলি । হ্যাঁ পিতা, পড়ে মনে ।

বৈজ্ঞ । বল মা, প্রকাশি বল, কি আছে স্মরণ -
কিবা অবয়ব তার—গৃহ কি মানব ?

নলি । অনেক দিনের, পিতা, কথা সে সকল,
দেখি যেন স্বপ্নবৎ আঁধার আঁধার,
দীপ্তাকার নহে তত ;—বোধ হয় যেন
দাসী ছিল চারি পাঁচ দেবিত আমায় ;—
ছিল না কি ? হ্যাঁ গা ?

বৈজ্ঞ । ছিল গো মা, ছিল তোর অনেক কিস্করী ;
চারি পাঁচ নয় শুধু ; কিন্তু বল দেখি

নলিনী-বসন্ত ।

এসব রয়েছে চিতে অঙ্কিত কিরূপে ?
নিবিড় তিমিরময় কালের জঁঠরে
আরো দেখিছ বলো ।—হেথা আসিবার
আগেকার কথা যদি হতেছে স্মরণ,
স্মরণ থাকিবে তবে কিরূপে এখানে
আমিলে বা কত দিন ?

নলি । সে কথাটি মনে নাই ।

বৈজ । নলিনী রে হলো আজ দ্বাদশ বৎসর,
নরপতিকুলে তোর জনক স্মৃতি
ছিল সুবিখ্যাত রাজা কঙ্কন প্রদেশে ॥

নলি । হ্যাঁ গা—তুমি না আমার পিতা ।

বৈজ । তোমার জননী, বাছা, পতিব্রতা সতী ;
তিনি কহিতেন তুমি ছুহিতা আমার ;
তব পিতা কঙ্কনের সিংহাসন পতি,
বংশের প্রদীপ তুমি একমাত্র তাঁর ;—
তুমি বাছা রাজার নলিনী ।

নলি । হা বিধাতঃ—হা বিধাতঃ ! কুচক্রে কি তবে
স্বদেশ হারায় মোরা এসেছি এখানে ;—
অথবা সে আমাদেরই সৌভাগ্যের গুণে ।

বৈজ । দুই বটে—অরে বাছা, বন্ধিলি যা তাই ;—
কুচক্রে স্বদেশ হারা—ভাসিয়া সাগরে,
অনুকূল ভাগ্যবলে এসেছি এখানে ।

নলি । হায় ! পিতা—মনে নাই—না জেনে সন্তাপ
দিগ্নাছি তোমায় কত ;—ভাবিতে সে কথা,
ও গো, হৃদয় বিদরে ।—পিতা, তার পর ?

বৈজ । তোর খুল্লতাত, স্ততে, মোর সহোদর—
অনন্ত তাহার নাম—হা রে নরাদম !—
ভাই হয়ে, শোন গো শোন, ভাই হয়ে কত

বিশ্বাসঘাতক হলো ;—এ জগতে যারে
প্রিয়তম ভাবিতাম তুমি ছাড়া, স্মৃতে !
তারি হাতে সঁপিলাম রাজ্যের ভার ;
সুবিখ্যাত যে রাজস্ব জনপদ মাঝে,
বৈজয়ন্ত নরপাল শাস্ত্রে অদ্বিতীয়,
গৌরবে সজ্জমে যথা ভূপতি সমাজে ।—
নিরবধি বিরলেতে বিদ্যার চালনে,
থাকিতাম ভ্রাতৃ করে রাজ্যভার দিয়া ;—
অবশেষে বিষধর বিশ্বাসঘাতক—
তোর সেই খুল্লতাত—শুন্চ কি ?

নলি । শুন্চি গো ।

বৈজ । সুনিপুণ ক্রমে হলো শাসন-কৌশলে ;—
কারে অহুগ্রহ কারে নিগ্রহ করিতে,
কার পদোন্নতি আর কার অধোগতি,
কি ভাবে করিতে হয় সকলি শিথিল ;
তখন কুটিল ভাব ধরিল হৃদয়-ভিত্তি ;
ছিল যারা অহুগত ভূলায়ে তাদের
হুস্তগত করিল সে থড়ে পিটে নিয়ে,
অমাত্য আত্মীয়গণে কুমন্ত্রণা দিয়ে ।
আপনার হাতে পেয়ে রাজার ভাণ্ডার,
দান বিতরণ করে রাজার প্রসাদ,
স্বইচ্ছায় সকলের চিত্ত নোয়াইল ;
তরু হলো রাজ্যস্বত্ব উপাসক তার ।
আশ্রিত থাকিয়া লতা তরুদেহে যথা
আচ্ছন্ন করিয়া শেষে শুধায় সে তরু,
সেইরূপে রাজদেহ ঢাকিয়া আমার,
হরিল দেহের তেজ—করিল নীরস ;—
শুন্চ গো ।

নলি । শুনচি পিতা ।

বৈজ । শোন্ গো, অত্ন মনে শোন্ গো এ কথা ;
জ্ঞানতরু চিতক্ষেত্রে রোপণ করিতে,
বিদ্যারূপ কিরণেতে হৃদয় মণ্ডিতে,
থাকিতাম এইরূপে নিৰ্জ্জনে একাকী ;
যশঃপ্রভা সে বিদ্যার কত দেশান্তরে
উজ্জল হতো গো আজ নিৰ্জ্জনে না হলো ।—
সেই অবসর পেয়ে দুৰ্ম্মতি চণ্ডাল
অনন্তর হৃদয়েতে খলতা জন্মিল ; —
তার প্রতি বিশ্বাসের ইয়ত্তা ছিল না,
তারো এবে না রহিল খলতার সীমা ; —
ভাণ্ডারেতে ছিল যত সঞ্চিত বিভব,
লুটিয়া দৌরাখ্য করি উপার্জিল যত,
মুক্ত হস্তে, অকাতরে ছড়াতে লাগিল ;
হয়ে রাজপ্রতিনিধি, পেয়ে রাজপূজা,
ভ্রমে আপনারে ভুলে ভাবিতে লাগিল
কঙ্কন-ভূপতি যেন সত্যই হয়েছে ।

• যথা আপনার ছলে ভুলিয়া আপনি /
অসত্যকে সত্যভাবে মিথ্যুক যে জন ; —
বাহ্যাকারে ছিল রাজা — রাজপ্রতিনিধি,
রাজবেশে আড়ম্বরে করিত ভ্রমণ,
আশা বৃদ্ধি হলো তাই আকাশ ধরিতে । —
শুনচ না ।

নলি । যে জন বধির সেও শোনে গো এ কথা ।

বৈজ । অবশেষে আমারে সে ভাবিল অসার, —
(হায় রে অভাগা আমি) মম গ্রন্থাগার
ভাবিল আমার পক্ষে রাজত্ব বিপুল ।
রাজত্ব শাসনে আমি নিতান্ত অপটু,

দুখা তবে ছদ্মবেশে কি কারণে থাকা,
ভাবি, কপটতা দূর করিল দুঃস্বপ্নি,
হরিল সে সিংহাসন ছুরাছা অধম।
করিল গুজরাট সনে সন্ধির বন্ধন
হোতে তার পদানত—দিতে উপহার
অঙ্গীকার করিল সে অনভিজ্ঞ চোর ;—
তার কিরীটের তলে কিরীট নোয়াতে,
লুটতে কঙ্কন রাজ্য—(হা পোড়া কঙ্কন,
ভাগ্যে যাহা ঘটে নাই কখন রে তোর)—
লুটায় ফেলিতে তোরে শত্রু-পদতলে।

নলি। হা অদৃষ্ট !

বৈজ। এই সন্ধি ;—পরে এই সন্ধি অনুসারে
ঘটাইল যে ঘটনা, শুনে বল বাছা,
নরাদম সে চণ্ডাল ভাই কি আমার ?

নলি। পিতামহী গুরুজন, কু ভাবিতে নাই ;
কিন্তু পিতা, কুলাঙ্গার কুপুত্র কখন
জনমে সোণার গর্ভে ?

বৈজ। শুন স্মৃতে তার পর। হেন সন্ধি পেয়ে,
চিরশত্রু আমার সে গুজরাট-ভূপতি
তখনি সন্মতি দিল ;—সন্ধির নিয়ম—
রাজপূজা, রাজকর (মনে নাই কত)
গুজরাটপতিকে দিবে মম সহোদর,
তার বিনিময়ে সেই গুজরাটভূপতি,
নির্বাসিত করে দিবে তোমায় আমায়,
আমার ভ্রাতার হস্তে করিবে অর্পণ,
সম্পদ, ঐশ্বর্য্য সহ কঙ্কন প্রদেয়।
অতঃপর এক দিন গুজরাটের সেনা,
নিবিড় তিমিরাচ্ছন্ন গভীর নিশীথে,

বেড়িল নগর সীমা ;—খুলিল আপনি
স্বহস্তে নগর দ্বার অনন্ত পামর ।

সেই অন্ধকার রাত্রি তোমায় আনায়,
নিয়োজিত ছিল যারা সে কার্য সাধিতে,
ধরিয়া নিমেষ মধ্যে নিঃউদ্দেশ হলো ।

কত কান্না, তুমি বাছা, কাদিলে তখন ।

নলি । হা অদৃষ্ট !—মনে নাই—পিতা গো আমার
কাদিতে বাসনা হয় বারেক আবার ;
হায় হায় কে না কাদে—হায় এ কথায় !

বৈজ । আরো কিছু শুন তবে বুঝিতে পারিবে
উপস্থিত এ ঘটনা, নতুবা নিষ্ফল
কহিলাম যত কিছু ।

নলি । সেই দণ্ডে, হ্যাঁ গা, পিতা, প্রাণে না বধিয়ে
কেন তারা ক্ষান্ত হলো ?

বৈজ । অরে বাছা, তত দূর সাহস ধরিতে
পারে নাই পাষণ্ডেরা ;—কঙ্কনে আনায়
এত ভাল বাসিত গো প্রজারা সকলে ।

অথবা সে অভিসন্ধি ছিল না তাদের
কিন্ধা লোক-অপবাদ এড়াবার তরে
গোপনে সাধিতে কার্য্য মনস্থ করিল,
(সংক্ষেপেতে বলি শুন) ;—সে ছুরাঝাগণ
আসিয়ে সাগরতটে, ভাসাইয়ে ডিঙি,
ক্রোশেক হুক্রোশ পথ বাহিয়ে চলিল ;
পূরে এক তরিকার্ত্ত অতি জীর্ণকায়
জীবন শঙ্কায় যাহা শূষিকও ত্যজেছে,
আছে ফেলি চণ্ডালেরা স্বদেশে ফিরিল ।
চতুর্দিকে হুহুকারে তরঙ্গ ছুটিল
গ্রাসিতে সে ভগ্নতরি ;—ভয়েতে স্নানি,

বারিধির পানে চেয়ে কাদিলাম কত ।

শবনদেবের কাছে কতই মিনতি

করিলাম গলবস্ত্রে ;—আমার দুঃখেতে

কাদিতে লাগিল বায়ু নিশ্বাস ছাড়িয়া ;

হায় রে অদৃষ্টশূলে সে মেহ আমার

অনিষ্টের হেতু হলো ।

নলি । তখন কি গলগ্রহ হয়েছিল, পিতা ।

বৈজ । মা তুমি তখন—

দেবকতা তুল্য হয়ে বাঁচালে আমায় ।

আমার চক্ষের জল সাগরের জলে

পড়িতে লাগিল বসন্ত—ঘন ঘন কোঁচি,

তুমি, বাছা, দেবদত্ত সাহসে নির্ভয়,

হাসিয়ে ক্ষুর হাসি, শিখালে আমার

সাহসী হুঁইয়া চিন্তে ধৈর্য ধরিতে ।

নলি । হ্যাঁ গা পিতা, কি উপায়ে এখানে উঠিছ ?

বৈজ । আরে বাছা,

জগত জঁকুর যিনি তাঁহারই রূপায় ;—

সঙ্গে ছিল খাদ্য দ্রব্য মিষ্ট জল কিছু

দয়াতেবে ভরি মধ্যে সঙ্গে দিয়াছিল

গুজরাটের রাজমন্ত্রী, প্রচেষ্টা দয়ালু,

আমাদিগে দেশান্তর করিবার ভার

আছিল যাহার প্রতি ;—পরিণাম ভেবে

পরিধেয় বস্ত্র কিছু সঙ্গে দিয়াছিল,

এতদিন তাহাতেই হয়েছে স্ফার ;—

রাজস্ব হইতে আমি গ্রহ ভালবাসি

গ্রহাগার হ'তে তাই বাছি কতিপয়

পুঁথি সঙ্গে দিয়াছিল ।

নলি । কখনো তাঁহার সঙ্গে দেখা যদি হয় ।

বৈজ্ঞ। (সুমারীর প্রতি)

হয়েছে বিলম্ব নাই— (নলিনীর প্রতি)

রসো গো মা তুমি ;

গৌন এর পরিণাম ; আমি এই স্থানে

গ্রহণ করিছ তোর শিক্ষকের ভাষ ;

রাজার নন্দিনীগণ পার না অনেকে

পেয়েছ যে উল্লসার শিক্ষায় আমার ;

হেন গুরু ঘটে নাক ভাগ্যেতে তাদের,

বৃথায়োদে করে তারা বৃথা কালক্ষয় ।

নলি। মঙ্গল কঙ্কন, পিতা, ঈশ্বর তোমার ;

এবে দেব করু গুনি কি হেতু এ ঝড়

উঠাইয়ে ঘটাইলে এ হেন দুর্যোগ ;

সে কথা জাগিছে চিত্তে এখনও আমার ।

বৈজ্ঞ। থাক আজ এই অবধি ;—এবে শুভগ্রহ

হয়েছে আমার, বাছা,—পড়েছে ধর্শ্বের

ভ্রমস্ত বিপক্ষগণ, এসেছে এ দেশে ;

এ শুভগ্রহের ফল এখন যদ্যপি

নাশ্রুতি, তা হবে আর এ জন্মে পাব না ;—

আর সুধাইও না, বাছা, হয়েছ নিদ্রানু,

নিদ্রা যাও ক্ষণকাল,—নিদ্রার বিভ্রাম

মহোষধ জীবনের ।——(নলিনী নিদ্রিত)

——সাধ্য কি এড়াতে,

আগেই তা জানি আমি ।——সুমালি—সুমালি !

আয় বাপ, কাছে আর—নিশ্চিন্ত হয়েছি ।

(সুমারীর প্রবেশ ।)

সুমা। জয়, প্রভু,—জয়নাথ—জয় দেব, জয় ;—

আকাশে উড়িতে কিবা পাতালে ডুবতে,

অনলে পলিতে কিবা মেঘেতে চড়িতে,

কুণ্ডলী বাধিয়া যবে ওঠে সে আকাশে,—
কি আজ্ঞা করুন, প্রভু ।

বৈজ্ঞ । সুমালি !—অশালীমত বলেছিছ যথা
অনুষ্ঠান করেছ ত ?

সুমা । প্রভু, তার বর্ণ বিন্দু অন্তথা করিনে ;—
উঠিলাম রাজপৌতে জলিতে জলিতে ;
কখন গলুইমুখে কখন শিছাড়ে,
কখন চাতালে আর কখন বা থোলে,
কখন বা মাস্তলের উগার ডগায়,
এই জলি এক ঠাই—এই অশ্রু ঠাই,
এই আছি এই নাই, আবার দিশাই
হঠাৎ একত্র হইরে ;—অথাক সবাই
চাহিয়া রহিল যেন ভেজী ভেকা হয়ে ।
ভীষনাদ ভয়ঙ্কর বজ্রের আগেতে
ছোটো বে বিদ্যুৎ-লতা সেও দ্রুতগতি
নহে তত কণহারী, চকিতা চপলা ;—
গুরুকপোড়ার গন্ধ, ধুমো পোড়া
• তূপাকার ধূমরাশি, দুর্গন্ধ বাতাস,
কড়ি কাটা, কাঁড়ি কাটা, শব্দ ভয়ঙ্কর,
হলকে হলকে বহি জলধি বেটিল ;
অভয় সমুদ্র ঢেউ অস্থির ভয়েতে,
পাতালে বরুণ হস্তে ত্রিশূল কাঁপিল ।

বৈজ্ঞ । সাবাস, সুমালি !—সাবাস !—

এ বিপদে হিতবুদ্ধি স্থিরচিত্ত হয়ে.

• দৈর্ঘ্য ধরে তার মধ্যে ছিল কি রে কেহ ?

সুমা । কেউই না ;—

ভয়ঙ্কর হতবুদ্ধি উদ্ভাদের প্রায়,

হতশ হইয়া ত্যজি অধিনয় পোত,

দাঁড়ি মাঝি ভিন্ন সব সন্মুখে পড়িল,—
 সাগরের ফণামাখা তরঙ্গের মাঝে ।
 ভয়ে কদম্বের ফুল মস্তকের চুল
 বসন্ত, রাজার পুত্র, রোমাঞ্চ শরীর,—
 “প্রেতরাজ্য শূন্য আজ, প্রেতবৃন্দ যত
 সমাগত এই স্থানে” বলি উচ্চস্বরে
 পড়িল সাগরগর্ভে সকলের আগে ।

বৈজ্ঞ। বাপ্ আমার—বেস্ !

কিন্তু বাপ্ এ ছুর্যোগ কিনারার কাছে
 করেছ ত সজ্বটনা ?

সুমা। প্রভু, অতি কাছে ।

বৈজ্ঞ। ওরে, পরি, তারা সব নির্ঝিল্লি ত আছে ?

সুমা। প্রভু গো,—

কাহারই মস্তকের চুলটি খসে নি,
 বস্ত্র পরিচ্ছদে কারো দাগটি লাগে নি,
 বরং অধিক আরো উজ্জ্বল হয়েছে ;
 দলে দলে সকলেরে ফেলেছি ছড়ারে
 এ দ্বীপের চতুর্দিকে,—যথা আজ্ঞা তব ;
 আপনি তুলিয়া আনি গুজরাট তনয়ে
 শীতল ছায়াতে একা বসান্নে এসেছি ;
 বসিয়া জলের ধারে শীতল বাতাসে,
 বাধি বুকে এইরূপে দুই বাহুলতা,
 ফেলিতেছে ঘন ঘন সুদীর্ঘ নিশ্বাস ।

বৈজ্ঞ। রাজপোত, দাঁড়ি মাঝি, অন্য অন্য আর
 বহরের যত পোত কোথায় রেখেছ ?

সুমা। এ দ্বীপের প্রান্তভাগে রাজার জাহাজ
 লুকায়ে ধুয়েছি সেই গভীর সু জিহ্বে,
 এক দিন, প্রভু যথা, ডাকিলে আয়াম্,

কহিলা আনিতে বারি বক্ষঃহৃদ হ'তে
যে হৃদের তীব্রবারি তপ্ত অতিশয়
চক্রাকারে ঘুরিতেছে যুগযুগান্তর ;
অন্য অন্য যত পোত অতি ক্ষুণ্ণভাবে
চলেছে গুজরাট মুখে একত্রে জুটিয়া,—
ভারত সমুদ্রে ভাসি ধীরে ।

বৈজ্ঞ । সকলি প্রণালীমত করেছ, সূমালি ।

কিন্তু বাপ্. কিছু বাকি আছে——বেলা কত ?

সূমা । দুই প্রহর অতীত হয়েছে ।

বৈজ্ঞ । চারদণ্ড বেশী হউক,—এর বেশী নয় ;
সন্ধ্যার প্রাক্কালে কিন্তু সাজ করা চাই,
অবশিষ্ট এখনো যা আছে ।

সূমা । আঃ—আবার খাটুনি ?
কষ্ট দিচ্চ এত ; কিন্তু মনে যেন থাকে
করেছ কি অঙ্গীকার ।——

বৈজ্ঞ । কি ?—ফের অবাধ্য ?—কি চাস ?

সূমা । দাসত্ব মোচন ।

বৈজ্ঞ । এখনি কি ?
নিয়মিত কালপূর্ণ হয় নি এখন,
এরি মধ্যে ?—চুপ্. ।

সূমা । প্রভু ! আমি কত কাজ করেছি তোমার ;
প্রতারণা করি নাই মিথ্যা কথা বোলে ;
স্বথাসাধ্য প্রাণপণে দিবা রাত্রি খাটি,
কথার অবাধ্য নহি তিলান্বিত কখন ।
তোমারি গ্নো ত্রীমুখের এই আজ্ঞা ছিল,
নিয়মিত সময়ের একবর্ষ আছে
আমারে নিষ্কৃতি দিবে ।

বৈজ্ঞ । উদ্ধার করেছি তোরে কি স্বপ্ননা হতে,

সে সব ভুলিলি বুঝি ?

সুমা । ভুলি নাই, প্রভু ।

বৈজ । নিঃসন্দেহ ভুলেছিহু ;—এখন তোমার
সাগরের ফণামাখা তরঙ্গে ছুটিতে,
বায়ুর পশ্চাতে শূন্যে গগনে উড়িতে,
হিমাচ্ছন্ন পৃথিবীতে ভ্রমণ করিতে,
আমি আজ্ঞা করি তাই—বড় কষ্ট হয় ।

সুমা । না, প্রভু ।

বৈজ । পাপাত্মা—অসত্যবাদি !—মিথ্যা কথা তোর ।
এখন সে ত্রিজটাকে ভুলে গেলি বুঝি ?
পাপিষ্ঠা ডাকিনী সেটা, দেখলে ঘৃণা হতো,
অতি বৃদ্ধা—পরহিংসা, পরদেষ করে,
হয়েছিল শীর্ণদেহ অস্থিচর্মসার ;
চলতে গেলে মাজাভাঙ্গা ধনুকের মত
মাটিতে আসিয়ে তার কপাল ঠেকিত ;
দন্তহীন যষ্টি হাতে দৃষ্টি মিটি মিটি,
বিষম ডাকিনী সেটা—তারে ভুলে গেলি ?

সুমা । না, প্রভু, ভুলি নাই ।

বৈজ । ভুলিস্ নে ?—বল্ শুনি, বল্ কোথা তবে
জন্মেছিল সে ডাকিনী ।

সুমা । উদয়পুরেতে ।

বৈজ । বটে ?—হা পাষাণ !—মাসে মাসে তোকে
চেতাইতে হবে দেখি—সব ভুলে গেলি ;—
খাকিত উদয়পুরে বিকটা ত্রিজটা,
জানিত সে ছিটেফোঁটা, মস্ততন্ত্র কত,
সমুদ্রে জোয়ার ভাটা চন্দ্র সূর্য্যোদয়
করাইতে পারিত সে—সাধ্য ছিল এত ;
অত্যাচার অপকার লোকের অহিত

করেছিল কতই যে—সে সবগুলিতে
শ্রবণ রোধিতে হয় ।— তাই সে ছুট্টারে
দূর করে দিয়াছিল দেশছাড়া করে,
উদয়পুরের লোক —প্রাণে না বধিল
গর্ভবতী বোলে সেটা ;—ক্যামন রে, ঠিক কি না ?

সুমা ।

বৈজ । এই খানে দাঁড়ি মাঝি ত্রিজটারে আনি,
রাখিয়া চলিয়া গেল ;—তুই রে সুমালি,—
আমার কিস্কর এবে,—তোরি মুখে শোনা—
ছিলি তার কেনা দাস ;—অতি সুকুমার
কোমল শরীর তোর—কদর্য্য, কঠিন
পালিতে তাহার আজ্ঞা করিতিস হেলা ;
তাই তোরে সে ডাকিনী—ক্রোধে অন্ধ হয়ে—
বাঙ্কিয়া রাখিল এক তালবৃক্ষ চিরে,
অগ্ন যত বলবান ভূত্য সহকারে ।—
ছিলি সেই বৃক্ষে গাঁথা দ্বাদশ বৎসর,
ইতোমধ্যে ত্রিজটার প্রাণত্যাগ হলো,
তুই বদ্ধ রহিলি সে বৃক্ষের ভিতরে ;
জাঁতার শব্দের শ্রায় ঘর্ষের নির্ঘোষ
করিতিস কণ্ঠস্থানে বৃক্ষ মধ্য হতে ;
জনপ্রণী কেহ —ছিল না তখন হে,
একটা স্নখু পশুবৎ কিস্তৃত আকার
মনুষ্য আকৃতি মাত্র—অরণ্যে ভ্রমিত ।
ত্রিজটার বেটা সেটা—

সুমা । বটে বটে,—সেই বর্কট ;

বৈজ । হ্যাঁ রে মুখ—আমিও তাই বল্চি—সেই সে
সেই বর্কট—আমার যে কিস্কর এখন ;—
হেথা এসে কি হৃদশা দেখিলাম তোর,

কি নরকভোগ, ওরে মনে কি তা পড়ে ?

তোর সে চীৎকারে—ডাকিত বনের বাঘ,

চির-রোষপরবশ ভল্লুকও কাদিত ।

সে হুর্গতি হোতে কভু পাবি যে নিস্তার

ভরসা ছিল না তার (গতায়ুত্রিভুজটা) ;

আমি মন্ত্রবলে তোরে করিছু উদ্ধার ;

তালবৃক্ষ পুনর্বার দুই খণ্ড করি

মোচন করিছু তোর বন্ধনের দশা ।

সুমা । প্রভু, দণ্ডবৎ—বাঁচিয়েছ প্রাণদান দিয়ে ।

বৈজ । বিরক্ত করিবি যদি পুনর্বার তুই

অবজ্ঞা করিয়ে আজ্ঞা—পুনঃ বৃক্ষ চিরে

বান্ধিয়া রাখিব তোরে ;—দ্বাদশ বৎসর

মরিবি চীৎকার করে ;—দেখ সাবধান ।

সুমা । প্রভু ! ক্ষমা কর আর আমি অবাধ্য হব না ;

পালিব তোমার আজ্ঞা—যে আজ্ঞা করিবে !

বৈজ । তা হলে দুদিন পরে দাসত্ব ঘূচাব ।

সুমা । তাই ত বটে—এনা হলে মনিব কি হয় ;

বল, প্রভু, শীঘ্র বল, কি আজ্ঞা তোমার ।

বৈজ । যা এখন—নাগকন্যা রূপ ধরে আর ;

অগ্র কারু নাহি হবি দৃষ্টির গোচর

তুই আর আমি ছাড়া ।—যা শীঘ্র যা !!

[সুমালীর প্রস্থান ।]

উঠ গো মা প্রাণাধিকে নলিনি আমার

ঘুমিয়েছ অনেক ক্ষণ ।

নলি । পিতা গো, তোমার

শুনিয়া অদ্ভুত কথা নিদ্রা আকর্ষিল ।

অবশ্য নিদ্রাভারে এখন ও অলসে

এলায়ে পড়িছে অঙ্গ ভূমিতে লুটায় ।

বৈজ । এসো মা আমার সঙ্গে, আলস্ত ত্যজিয়ে,
বর্ষটের কাছে যাই ;—ব্যাটা কি বজ্জাৎ,
করিলে দাসত্ব, তবু ভুলেও কখন
মিষ্ট কথা মুখে নাই ।

নলি । পিতা ! সেটা অতি পাপী ।
মুখ দরশনে তার মহাপাপ হয় ।

বৈজ । কি করিবে বল মা, সে না হলে ত নয়,
বারি আনে, কাষ্ঠ ভাঙে, অগ্নি জ্বলে দেয়,
কতদিকে আমাদের করে সে সুসার ।——
ওরে ওঃ—ও বর্ষট ;—পাছকাবাহক
বেটা মৃত্তিকার টিপি—কথা নেই যে ?

বর্ষট । (ভিতর হইতে) ঢের কাষ্ঠ তোলা আছে ।

বৈজ । বেরো বল্‌চি—পাজি ব্যাটা—ঢের কাজ আছে
বেরুলি ?——

(পরির পুনঃ প্রবেশ ।)

বাঃ—সুমাণি বাঃ—উত্তম সেজেছ ।
শোন বলি——(কাণে কাণে কথা ।)

সুমা । হুঁ আজ্ঞা ।

[প্রস্থান ।]

বৈজ । ওরে ও পাপিষ্ঠ—ওরে ভূতের জন্মিত—
বেরো বল্‌চি ।

(বর্ষটের প্রবেশ ।)

বর্ষ । কচু পাতা ঢল্‌ ঢল্‌, শিশিরের জল'
ভ্রাত্রে মাকড়ের নাথ, স্নাপের গরল, .
উঠিয়ে কাকের ডাকে মা বেটি আমার
করিত যে মস্তপড়ে ঔষুধ যোগাড়,
উহাদের ছজন্য মাথায় পড়ুক
চোক কাণ নাক মুক পুড়ুক পুড়ুক ।

বৈজ্ঞ। দেখিস্ এর শাস্তি আজ রাত্রি পাবি তুই,
হাতে, পায়ে, বুকে, পিঠে বাতের কামড়ে,
কাণামাছী বোলতা ভাঁস সারা রাত্রি ধরো
দংশিবে রে, আজ তোর—বিস্মিতে থাকিবে ।
ভিক্ষুকের চাক যথা—তেমনি হবে ফুলে
সর্সাপ শরীর তোর ।

বর্ক। জিস্—তাই বলে আমি বুঝি ভাত খাব না ।—
ত্রিজটার যেটা আমি—আমারই এ দ্বীপ—
আমারই ত রাজ্যদেশ অধিকার এই ।
এসেছিলি এই দেশে প্রথমে যখন
যত্ন করে সমাদর করিতিস কত ;
গায়ে বুলাতিস হাত ;—খাওয়াতিস্ কত
ভিজ্জে টসটসে ফল ;—আকাশের আলো
দিনে রোতে যে ছটোর ঘুরে ঘুরে ওঠে,
ছোট বড় সে ছটোর নাম শিখাতিস ;
তখন তুচ্ছারে আমি বাসিতাম ভাল ;
কি আছে কোথায় হেথা দেখায়েছি তাই
মিঠে মিঠে বারি ঝরা পাহাড়ে পাহাড়ে,
কোথায় উর্বরা মাটি কোথা মরুভূমি—
শুধে রেছি দেখায়েছি ।——
ত্রিজটা ঝরের ছিল ছিটে ফোঁটা যত—
মাকড় শেকড় ব্যাঙ বিষের আধার—
পড়ক তোদের ঘাড়ে, ধরুক মড়ক ।
আগে রাজা ছিহু হেথা, এখন তোদের
একমাত্র প্রজা আমি হয়েছি এ দেশে ;
তোরাই করিস জোগ বিপুল এ দ্বীপ,
আমারে রাখিস কেলে শূকরের মত
কতিন গহ্বর এই পর্কত ভিতরে ।

বৈজ । অরে ব্যাটা, মিথ্যাবাদী, ভালোর খবিস
 গ্রহাণের বশ তুই—পড়ে না কি মনে
 কত স্নেহ করিতাম রাখিতাম কাছে
 থাকিতিস এক সঙ্গে কুটীরেতে গুয়ে ;
 কিন্তু তুই, নরাদম, ইচ্ছিনি হরিতে
 কন্যার কোমার ধর্ম অধর্ম আচারে ;—
 তাই তোরে দূর করে দিয়াছি এখানে ।

বর্ক । উ,—হু—হু—কি বলব !—কি স্লযোগই গেছে ;
 তুই যদি সে সময়ে বাদী না হতিসু,
 এত দিনে এ রাজ্যেতে আমার মতন
 ছোট ছোট বর্কটের হাট বসে যেতো ।

বৈজ । পাপিষ্ঠ, পাতকী,—তুই অতি নরাদম ।—
 কত যত্নে দিয়াছি যে কত উপদেশ,
 দণ্ডে দণ্ডে অহরহ, সব মিথ্যা হলো !—
 অরে পশু, আগে তুই পশুতুল্য ছিলি,
 কুকুর, শৃগাল, ছাগ, মেঘের সদৃশ,
 ছিল তোর কণ্ঠস্বর তাৎপর্য বিহীন,
 আমি তোরে মনুষ্যের ভাষা শিখিয়েছি,
 কিন্তু তোর জাতিধর্ম এমনি কুৎসিত,
 ভদ্রের সন্মুখ নহে তোর সঙ্গে থাকা ;
 না বধে পরাণে তোরে রেখেছি যে হেথা
 এই তোর ঢের ভাগ্য ।

বর্ক । ভাষা শিখিয়েছ ! রড়ই কাজ করেছ ! গালমন্দ দিতে
 মজবুত হয়েছি—তুই ওলাউটোর মর—তোকে
 মড়কে ধরুক ।

বৈ । দূর হ ব্যাটা পাজি নচ্ছার—দূর হ ; কাঠ আনগে
 যা ;—ভাল চান্দ ত শীগুগির যা ।—শিউরে উঠলি
 যে ?—দেখ, যদি আলিস্তি করিস ত এখনি এমনি
 বাত ধরিয়ে দেব যে পাজরের এক এক খানা হাড়

খোঁরা যাবে—আর এমনি চিংকার করুবি যে মনের
পশুগুলো স্বপ্ন কাঁপতে থাকবে ।

রব্বী । না দোহাই তোমার, আমায় মাপ কর ।

(স্বগত) কি করি, যা বলে কর্তে হয় ;—ব্যাটার
এমনি দাপট যে আমার মায়ের গুরু ইষ্টদেব
ভোলাচণ্ডেশ্বরকে স্বপ্ন পায়ের তলায় ফেলে খেঁখলে
মারতে পারে ।

বৈজ্ঞ ! যা ব্যাটা—তবে যা ;

[রব্বীটির প্রস্থান ।

(গান বাদ্য করিতে করিতে স্নদৃশভাবে স্ত্রমালীর প্রবেশ ; ঐ
শব্দের পশ্চাৎ পশ্চাৎ বসন্তের প্রবেশ ।—স্ত্রমালীর গান ।)

রাগিণী ললিত—তাল আড়াঠে কা ।

দিবা হলো অবসান ডুবিলে মিহির ;

যামিনী আনিতে ধীরে চলেছে সমীর ।

মেঘের বরণ জল, সাগরেতে শতদল,

একি কামিনীর ছল গ্রাসে করিবর ।

পত্র পরে চারি ধারে, সখীগণে নৃত্য করে,

করতালি দিয়ে করে, উড়ায় ভ্রমর ।

ছড়ায় কুন্তল পাশ, অরণে মধুর হাস,

পবনে উড়ায় বাস, ভূলাতে অমর ।

এসো কে দেখিতে যাবে, এ মাঝা ফুরায়ে যাবে,

এখনি ভানু ডুবিলে, আসিবে তিমির ।

যামিনী আনিতে ধীরে চলেছে সমীর ।

বস । হেন গীত বাদ্যধ্বনি কোথা হৈতে হয়—

আকাশে না মহীতলে ?—বাজিছে না আর ।—

হবে বুঝি এ স্বপ্নেরই কোন দেবালয়ে ।

বসিয়া ছিলাম খেদে সাগরে তটে,

ভাবি জনকের কথা অশ্রমস্র জাখি,

হেনকালে যেন গীত মাগর হইতে
 স্রোতে আসি, কূষে উঠি, শ্রবণে পশিল ;
 অমনি হইল শান্ত স্রমধুরস্বরে
 আমার চিত্তের আর তরঙ্গের বেগ ;
 আইলাম সঙ্গে সঙ্গে গুনিতে গুনিতে
 কিম্বা যেন আকর্ষণ করিয়া আনিল ।
 যাই হোক—নাই আর, নীরব হয়েছে,
 না না,—আবার অই—অই যে বাজিছে ।

সুমালীর গান ।

রাগিণী আলেয়া—তাল আড়াঠেকা ।
 কি হবে কাঁদিলে তবে কেহ চিরজীবী নয় ;
 ভূপতি শক্তিহীন করিতে শমন জয় ।
 গভীর গভীর জলে, তব পিতা দৈববলে,
 সৌরভ গোরব ভুলে, হয়ে আছে শবকায় ।
 অই গুন শঙ্করনি, পাতালে নাগকমিনী,
 সে দেহ তুলিয়ে আনি, অন্ত্যেষ্টিক্রি়া করিতে যায় ।
 যোজন যোজন পথ, যাও হে ধরগীনাথ,
 • পুরাইতে মনোরথ, দেখিতে পাইকে তীয় ।

বস ॥ আমারই যে জলময় পিতার বারতা
 শুনাইছে এই গীত !—দেবকীর্ত্তি ইহা ;—
 হেন স্রমধুর ধ্বনি ভ্রমণে কোথা !—
 আবার বাজিছে অই !

বৈজ । দেখ্ নলিন্—দেখ্ এ দিকে—শাড়ামে ওখানে—
 হ্যাঁ গা বল্ দেখি স কি ?

নলি । তাই ত গা !—কি গা ও—পরি বুঝি হবে ?
 আহা মরি ! অপরূপ কিবা মনোহর !
 দেখিছে কি চারিদিকে, চেয়ে চেয়ে দেখ,—

পরিই ও বটে, পিতা ।

বৈজ্ঞ। অরে বাছা পরি নয় ;—আমাদেরই মত
নিদ্রাহার অভিলাষী—আমাদেরই মত
আছে সৰ্ব্ব জ্ঞানেক্সিয় ;—ওই সুপুরুষ
ছিল সেই জলমগ্ন তরণী তিতরে ;
হয়েছে মলিন কিছু শোকের উত্তাপে ।

(চিন্তাই সৌন্দর্য্যরূপ কুমুমের কীট)

তা না হলে বাথানিতে পারিতে উহারে
সুন্দর পুরুষ বলি ।—সঙ্গী হারা হয়ে,
তাহাদের ভ্রমেষণে ফিরিছে একাকী ।

নলি। দেবতা বলিলে বুঝি বলিতে বা পারি ;
পৃথিবীর কোন বস্তু এমন সুন্দর
চক্ষে কভু দেখি নাই ;

বৈজ্ঞ। (স্বগত) এই যে, বা ভেবেছিছ ;—সুমালি রে,
আর ছুটি দিন পরে তোর দাসত্ব ঘুচাব ।

বস। বুঝিলাম এতক্ষণে, এঁরি সম্মিধানে,
গীত বাদ্য হয় নিত্য—দেবকন্যা ইনি ;
করষোড়ে, হে সুন্দরি ! করি হে মিনতি,
নিবাস কি এই দেশে—কহ রূপা করি ?
রূপা করি মোরে কিছু শিখাইয়ে দেও
এ দেশের রীতি নীতি প্রথা ব্যবহার ;
শেষে করি নিবেদন—একান্ত জানিতে
মনের বাসনা যিট—কহ বিনোদিনি,
হয়েছে কি পরিণয়—আছ বা কুমারী ?

বৈজ্ঞ। কুমারীই বটে,—তাতে আশ্চর্য্যটা কি ?

বস। একি ! অ্যা !—আমারই যে স্বদেশীয় ভাষা !—
হায় যদি থাকিতাম স্বদেশে এখন,
হোতাম সৰ্ব্বাংশে শ্রেষ্ঠ, আমিই সে দেশে ।

বৈজ । কি বলি ?—সর্বাংশে শ্রেষ্ঠ হোতিস সে দেশে,

এ আশ্পর্কী শোনে যদি গুজরাট ভূপতি

কি হবে বল দেখি তবে ?

বস । শুনায়ে গুজরাট নারি, তুমি হে যাহারে

করিলে বিশ্বয়াপন্ন, ইয়েছে এখন

সে অভাগা পিতৃহীন ;—পিতাও আগার

স্বর্গে বসি শুনিছেন আমার এ কথা—

স্বর্গে গিয়াছেন তিনি তাই কাদিতেছি ।

আমিই, গুজরাটপতি হয়েছি এখন ;

জলধি জীবনে পিতা মগ্ন যে অবধি

করিতেছি অশ্রুপাত—বিগলিত ধারা

দেখ চিহ্ন এখনো রয়েছে ।

নলি । হায় ! হায় ! কি বেদনা !

বস । সত্য কহি ডুবিছেন জলধি জীবনে ;

সঙ্গে যত পারিষদ তারাও ডুবেছে ;

অপূর্ব তনয় সঙ্গে কঙ্কনভূপতি

পিতা পুত্র এক সঙ্গে মরেছে ডুবিয়া ।

বৈজ । (স্বগত) অরে মূঢ়, কঙ্কনের প্রকৃত ভূপতি—

অপূর্ব সহস্র গুণ তনয়া তাহার—

এই দণ্ডে পারে তোরে যথা শাস্তি দিতে ।—

দর্শনেই শুভদৃষ্টি হয়েছে দৌহার ;

সুমাণি রে, তোরে এর পুরস্কার দিব,

দাসত্ব ঘুচায়ে তোরে ।

(বসন্তের প্রতি) অরে ধূর্ত শঠ,

শোন্ বলি—হেথা আয় ।

নলি । কেন পিতা, এ'র প্রতি কঠিন এমন ?

মানব জাতিতে আমি হেরি নয়নে

ইনিই তৃতীয় ব্যক্তি ;—ইনিই প্রথম,

কাঁদিল বাঁহার জন্যে হৃদয় আমার ;—
করুণা উদয় হোক পিতার হৃদয়ে,
আমার মনের মত হোক তাঁর মন ।

বস । হও যদি, হে সুল্করি, তুমি হে কুমারী,
অন্য যদি মনোবাঁধা নাহি দিয়া থাক,
বসাব তোমার তকে করিয়া বরণ
গুজরাটের সিংহাসনে ।

বৈজ । থাম্—থাম্—

(স্বপ্নত) ছজনার প্রেমে বাঁধা পড়েছে ছজনে ;
অবতন করে পাছে ভাবিয়ে সুলভ,
সুলভ না ভাবে যায় তাহাই ঘটাব ।
(প্রকাশে) শোন—বলি ; সাবধানে, যা বলি তা শোন :
স্বনাম গোপন করে মিথ্যা পরিচয়
দিয়াছিস হেথা এসে গুপ্তচর হয়ে,
ছদ্মবেশে এসেছিল ছলিতে আমারে,
রাজ্য হরে ক্ষতে মোর—

বস । ধর্মসাক্ষী কহিতেছি—কখনই নয় ।

নলি । এ হেন মন্দিরে, আহা, মন্দ কি কখন,
লুকায়ে থাকিতে পারে ; কিম্বা এ ভবনে
মন্দ এসে থাকে যদি—উৎকৃষ্ট সমূহ
করিবে সদাই হৃদয় সে মন্দে তাড়াতে,
এ মন্দির হোতে দূরে ।

বৈজ । (বসন্তের প্রতি) আয় তুই সঙ্গে আয় ।—তুমিও নলিনী
এর জন্যে অনুরোধ করো না আমায়,
রাজদ্রোহী এই ব্যক্তি ।—আয় সঙ্গে আয় ;
হস্ত পদে দিব তোর লৌহের শৃঙ্খল,
লবণ সলিল পানে পিপাসা জুড়াবি ;
শুষ্ক তৃণ ফল মূল বহুল নীরস

অসার ধাত্তের খোসা, চণক, মটর,
জলপুষ্টি আদি তোর সুখাদ্য হইবে ;—
আয়—চলে আয় ।

বস । নড়িব না এক পদ—শত্রুর প্রতাপ
না বুছিব যতক্ষণ—পাব পরিচয়
আমা হোতে বলবান বিপক্ষ আমার ।

[অসি নিক্ষেপ করিল এবং তৎক্ষণাৎ যাত্ৰমস্ত্রে স্তম্ভিত হইল]

নলি । পিতা, ইনি বীৰ্য্যশালী মহাবংশোদ্ভব
নিদারুণ এ পরীক্ষা এঁর যোগ্য নয় ।

বৈজ । কি ? —কি ? —কি আশ্চর্য্য !—
পাছকা হইতে তুই অধম হইয়ে
আমারে শিখাতে চাস ?—

(বসন্তের প্রতি) ওরে রাজদ্রোহি !

তুলে রাখ—তুলে রাখ—বোঝা গেছে তেজ,
বৃথা আড়ম্বরই সার তলবার খোলা,
চালিতে সামর্থ্য নাই—ধিক্ থাক্ তোরে ;
রূপাণ লুকাইয়ে রাখ পিধান ভিতরে ;
সামান্য যে এই ষষ্টি ইহারি আঘাতে,
এই দণ্ডে পারি তোরে নিরস্ত্র করিতে ।

নলি । কৃতাজলি, করি পিতা, ক্ষম গো উঁহারে ।
যা—যা—বস্ত্র ছাড় ।

নলি । হও গো সদয়, পিতা,—প্রতিভু ইঁহার
আমিই থাকিছু, আৰ্য্য !

বৈজ । চুপ্ কর—ফের যদি কথাটি কহিবি,
ভৎসনা করিব তোরে ;—স্বর্ণা জন্মে, ছিছি
তোর ব্যবহার দেখে ;—এত অনুৰোধ !
এই শঠের জন্যেতে !—ভেবেছি'স্ বুঝি—
এটা আর বর্ষটেরে হেরিয়ে নয়নে—

হেন সুপুরুষ আর ত্রিভুবনে নাই ।
 হাঁ রে নির্বোধ মেয়ে—অনেকের কাছে
 বর্কটের তুল্য এটা অতি কদাকার,
 এর তুলনায় তারা দেবতা বিশেষ ।

নলি । পিতা, আমার এই ভাল এর চেয়ে আর
 শ্রেষ্ঠতর দেখিবার নাহিক বাসনা ;
 হেন নীচগতি—প্রণয় আমার যেন
 চিরদিনই থাকে ।

বৈজ । (বসন্তের প্রতি) আয় চলে আয়,—
 পুনঃ তোর বাগ্যাবস্থা দেখি যে আগত,
 বল বীৰ্য্য শরীরেতে বিন্দুমাত্র নাই,
 হস্ত পদ দেখি যেন হয়েছে অবশ ।

বস । সত্যই হয়েছে তাই ;—শরীর দুর্বল
 হয়েছে অবশ যেন নিশার স্বপনে ।
 কিন্তু প্রতিদিন যদি পাই একবার
 দেখিতে ও বিধুমুখ কারাগার হোতে
 ভুলিব সকল দুঃখ, সর্ব মনস্তাপ—
 জনকের মৃত্যুশোকে, বন্ধুর বিচ্ছেদ,
 এ দেহের দুর্বলতা, দুর্ভাগ্য উহার ।
 সমাগরা পৃথিবীর অন্য যত ভাগ ;
 থাক্ লয়ে অন্য সব স্বাভাব্য সুখেতে,
 রিষভুমণ্ডল সেই কারাই আমার ।

বৈজ । (স্বগত)

ধরেছে বিবের তেজ—ধরেছে ধরেছে ;
 বড় কাজ সুমালীরে করেছিস বাপ ।

(প্রকাশে)

আয় চলে আয় দৌছে পশ্চাতে পশ্চাতে ;
 (জনান্তিকে) সুমালি শোন বলি ।

নলি। (বসন্তের প্রতি)

মহাশয়!—স্থির হউন—জনক আমার,
এখন যেরূপ তুমি দেখিছ উহারে,
স্বভাবে সেরূপ উনি নন।

বৈজ। (জনান্তিকে সুমালীর প্রতি)

স্বাধীন হবি রে তুই—দাসত্ব ঘুচিবে ;
পর্কত-শিখরে যথা বায়ুর হিল্লোল
অবাধে ভ্রমণ করে—তুইও ভ্রমিবি,
আমার কথার বাধ্য থাকিস যদ্যপি।

সুমা। অবাধ্য তিলেক মাত্র হব না তোমার।

বৈজ। (সুমালীর প্রতি) এসো তবে ;

(বসন্ত এবং নলিনীর প্রতি)

তোরা দৌহে পেছু পেছু আয়।

[সকলের প্রস্থান]

দ্বিতীয় অঙ্ক।

দ্বীপের অন্য এক ভাগ।

প্রথম গর্ভাঙ্ক।

(চিত্রধ্বজ, মন্ত্রী প্রচেতা, অনন্ত, রূপ, ভরত এবং বিজয়
প্রভৃতির প্রবেশ।)

মন্ত্রী। মহারাজ প্রকল্প হউন ;—মহারাজের আফলাদেহ
বিষয়, আর আমাদেরও বটে, যে রক্ষা পাওয়া গিয়েছে ;—তার
চেয়ে ক্ষতিটা যৎসামান্য বলতে হবে।—এমন শোক আপত্তি

সকলেরই হয় ;—মাকীমাল্লা বণিকব্যাপারীদের ঘরে প্রত্যহই ত
এরূপ একটা না একটা অসুখের কারণ ঘটে ; কিন্তু আশ্চর্য্য
এই যে, আমরা রক্ষা পেয়েছি ;—সহস্রে কজনের ভাগ্যে এমনটি
ঘটনা হয় ? মহারাজ, তাই বলি বিবেচনা করে দেখুন, অসুখের
চেয়ে আমাদের আত্মাদেরই বিষয় বলতে হবে ।

চিত্র । অহে, ক্ষান্ত হও ।

রূপ । গা জুড়য়ে দিচ্ছেন আর কি !

অন । ও ছাড়বে না ।

মন্ত্রী । মহারাজ !—

অন । অই শোনো ।

মন্ত্রী । মহারাজ, শোকাক্ত হইলে কি একবারে অভিভূত
হয়ে পড়তে হয় !

চিত্র । অহে ক্ষমা দেও ।

মন্ত্রী । ভাল আর বল্বে না ;—কিন্তু মহারাজ, তবু—

অন । ও থাম্বে না ।

রূপ । আর—ওর জিব্‌টাও সড় সড় করছে, সুর ধল্লো বলে ।

ভর । যদিও দৃশ্যত এ দেশটি মরুভূমির তুল্য—

রূপ । কিন্তু তবুও—তারপর ?

ভর । তবুও জলবায়ু অতি উত্তম ;—অতি মৃদু, শীতল ।

অন । বটে বটে—ঠিক এঁচেছ, দিল্লীর লাড্ডুর মতন ।—

তার পর ?

ভর । ক্যামন পরিষ্কার সুগন্ধি বায়ুর হিল্লোল বচে !

রূপ । আহা ! যেন বারাণসীর সুগন্ধি পয়ঃপ্রণালীর
সৌরভ নির্গত হচ্ছে ।

অন । কিন্না যেন স্নানরবনের সুবাসিত কর্দমের পরিমল

মন্ত্রী । জীবনের সমস্ত উপাদেয় সামগ্রীই এখানে সুলভ ।।

অন । কেবল অন্নজলেরই কিঞ্চিৎ অভাব !—তারপর ?

মন্ত্রী। আহা! তুলুগুলি কেমন রসাল এবং সুন্দর শ্রীমবর্ণ।

রূপ। আহা! যেন উলুখাকড়ার সমুদ্র হয়ে রয়েছে।

অন। আর মাটির রংটাও দিকি—পাথুরে কয়লার মত কালো, কাঁকর কুলুই আর কোথাও নেই বলেই হয়।

রূপ। না—তা ওঁর তুলে ঠিক আছে—এক চুল তকাং হবার যো কি।

মন্ত্রী। কিন্তু আশ্চর্য্য এই (কথাটা বিশ্বাসের বহিভূত বলেই হয়) —যে —————

রূপ। ওঁর সকল কথাই প্রায় সত্যের বহিভূত।

মন্ত্রী। আশ্চর্য্য এই যে, আমাদের পরিধেয়গুলি সমুদ্রের জলে আর্দ্র হয়েও ঠিক তেমনি আছে, লবণ সলিলে নিমজ্জিত হয়ে কলঙ্কিত হওয়া দূরে থাকুক, বোধ হয়, যেন আন্বকোরা নূতন রং করা, এখনি পাট ভাঙা হয়েছে। বিবাহের দিবস সিংহলে যখন পরিধান করা গিচ্ছল—ঠিক যেন তেমনিই আছে।

রূপ। মরি আর কি, বিবাহটা কি শুভক্ষণেই হয়েছিল, আর পুনর্যাত্রাটা ক্যামন নির্ঝিয়ে সমাপ্ত হলো।

মন্ত্রী। এমনি ধারা যদি গুটিকত দ্বীপ পেতুম।

অন। কি হে মন্ত্রী—কি বল্চ ?

মন্ত্রী। আজ্ঞা—বল্চি কি—রাজকন্তা—শ্রীকিস্তু—সিংহলের বর্তমান রাজমহিষীর বিবাহের দিবস পরিধেয়গুলি যেমন পরিপাটি ছিল এখনও ঠিক তেমনি আছে।—মহাশয়! আমার উত্তরীধানি ঠিক তেমনিই আছে না?—মহারাজ আপনার কণ্ঠার বিবাহের দিবস এইখানি পরিধান করেছিলাম।

চিত্র। একে অঙ্গ জলে মজি, কেন দম্ভ কর?—

তোমার এ বাক্য-যেন কণ্টক বিধিছে

আমার শ্রবণ পথে;—হায় রে কপাল!

হেন দেশে অভাগিনী কন্যার বিবাহ

না হওয়াই ছিল ভাল;—পড়ে এ জঞ্জালে,

ফিরিতে সিংহল হোতে প্রাণের তনয়ে
 হারালাম, হা অদৃষ্ট ! জলধি সলিলে ;
 কন্যাকেও চক্ষে আর পাবনা দেখিতে ;
 গুজরাট হইতে এত দূরেতে সিংহল ;
 হা পুত্র !—গুজরাট কঙ্কন অধিকারী !
 কোন্ জলজন্তু তোরে করেছে রে গ্রাস !

মন্ত্রী । মহারাজ ! কুমারের বাঁচাও সম্ভব ।—
 চলেছেন দেখিলাম তরঙ্গ বাহনে,
 তুরঙ্গমে সাদী যেন অবলীলা ক্রমে ;
 বৈরিতা করিতে যত আসিছে ছুটিয়া
 তরঙ্গ হুঙ্কার করি—দূরেতে নিক্ষেপ
 করিছেন দুই ধারে, বাহু প্রসারিয়া ।
 অটল উন্নত শির তরঙ্গ উপরে,
 চলেছেন মহাবেগে বাহু দণ্ডে বাহি
 যথায় সমুদ্র তট তরঙ্গ-খনিত,
 হেঁট হয়ে আছে তাঁরে ক্রোড়েতে তুলিতে ।

চিত্র । না, মন্ত্রী—নাই আর বসন্ত আমার ।

রূপ । তুমিই ত এ সকল বিপদের মূল,—
 আহা ! সে ত কন্যা নয় !—ভারত উজ্জ্বলা !
 তারে কি না মিলে এক অসভ্যের হাতে,
 বর্ষর সিংহলবাসী ;—ভোগো তারি ফল ;
 ইহ জন্মে কন্যাকেও পাবে না দেখিতে ।

চিত্র । ক্ষমা দে তাই ।

রূপ । আমরা ত সকলেই, গললগ্ন বাসে,
 কৃতাজলি পুটে, কত করি নু নিষেধ,
 মেয়েটারও, তাতে আহা, অনিচ্ছাই কত ;
 এবে তার প্রতিফল যথেষ্ট হয়েছে—
 জন্মের মতন—হারাইলে পুত্রধনে,

করিলে বিধবা কত পতিপ্রাণা সতী

গুজরাট কঙ্কনে।—

চিত্র । ততোধিক মনস্তাপ আমারও হে তাই ।

মন্ত্রী ! মহাভাগ, রূপ সত্যই বলছেন, কিন্তু বাক্যগুলি কিছু কঠোর প্রয়োগ করা হচ্ছে, এ সমস্ত অবিনীত বাক্য এ সময়ের যোগ্য নয় । দক্ষ স্থানে নবনী না দিয়ে এ যেন লবণ নিক্ষেপ করা হচ্ছে ।

রূপ । ভালো—হচ্ছে ত হচ্ছে—তোমার কি ?

অন । কেন, আজকালের চিকিৎসাই ত ঐরূপ ।

মন্ত্রী । আপনাদের যখন এরূপ বৈষম্যভাব তখন সময়টা নিতান্ত দুঃসময়ই দেখছি ;

রূপ । দুঃসময় !

অন । তার ত কথাই নাই ।

মন্ত্রী । মহাশয় ! এ দ্বীপটি দেখে আমার মনে বড় আশ্চর্য্য হচ্ছে ।

রূপ । কেন হে মন্ত্রী, বল দেখি ।

মন্ত্রী ! মহাশয় ! বাল্যকালাবধি আমার বাসনা আছে যে একবার রাজত্ব করি ; কিন্তু প্রাচীন দেশ মাঝেই, রাজ্যদানের এত ভিড়, যে তার ভেতর মাথাগুঁজে প্রবেশ করাই ভার, তাই চিরকালটা মনে মনে ভাবতুম যে ওরি মধ্যে একটা ছোটখাটো নিরেলা দেশ পাই ত সেই খানে একবার রাজত্ব করে নি, আর কেমন করে রাজত্ব কত্তে হয়, একবার দেখাই । এই দ্বীপটি দেখছি তার সম্যক উপযুক্ত স্থান । এই খানে কতকগুলি প্রজার বসতি করয়ে তাদের উত্তমরূপ তরিবত দিতে পাল্লো একটা আশ্চর্য্য জনপদের সৃষ্টি হয় । প্রাচীন দেশ নিবাসীদিগের যে সমস্ত কুসংস্কার আছে, তার কিছুমাত্র এখানে প্রবেশ কত্তে দি না । আমার সে রাজ্যে বিবাহরূপ ক্ষুপ্রথা থাকে না, ধন সম্পত্তিতে স্বত্বাধিকার প্রভেদ থাকে না, স্বৈচ্ছাধীন সকল স্ত্রীই সকল পুরুষের ভোগ্য—সকল পুরুষই সকল স্ত্রীর কাম্য, আবাল বৃদ্ধ বনিতা সকলেই চৌকটি কলায় ব্যুৎপন্ন,—হিংসা ঘেঁষ বিবাদ,

বিসম্বাদ, যুদ্ধ রিগ্রহ রাজ্যমধ্যে একবারে বিলুপ্ত হয় ;—প্রতারণা-
শূন্য সত্যবাদী জনগণ পরহিতৈষী পরোপকারী হয় ;—স্বতঃসিদ্ধ
ধর্মজ্যোতিতে সকলেই নিরুদ্বেগ শান্তচিত্ত থাকে । রোগ, শোক,
তাপ, চিন্তা, দারিদ্র্য সমূলে নিশ্চূল হয় এবং সুখ সচ্ছন্দ সর্বত্র
বিরাজিত হয়ে প্রীতি সম্পাদন করে ।

রূপ । মন্ত্রী, যা বলেছ মিছে নয়—এই স্থানটিই তার উপ-
যুক্ত—আর তুমিই এখানকার ভূপালের উপযুক্ত পাত্র । এই
দেশেই গাধা পিটলে ঘোড়া হয় ।

অন । আর ওঁর রাজ্যে বাস কল্লেই জ্যাস্ত মানুষ গাধা হয় ।

চিত্র । আঃ—কি আপদ ! এ যে বিষম যন্ত্রণা দেখছি ;
এক দণ্ডকাল কি চুপ করে থাকতে পার না ।

(অদৃষ্টভাবে সূমালীর প্রবেশ এবং গভীর বাদ্যধ্বনি । চিত্রধ্বজ
রূপ এবং অনন্ত ব্যতিরেকে সকলেই নিদ্রিত হইল ।)

চিত্র । অঁ্যা ;—এরি মধ্যে নিদ্রাগত হলো এরা সবে !

আমার চক্ষেতে কেন নিদ্রা না আইল ;

বিষম চিন্তার দাহ হইতে তা হলে

বাঁচিতাম ক্ষণকাল—হতেম স্থস্থির—

আঃ ! চক্ষু দুটো মুদে আস্চে ।

রূপ । মহারাজ ! নিদ্রা যান ;—এসেছেন যদি

বিরামদায়িনী নিদ্রা করুণা করিয়ে,

অবহেলা করে, দেব, ঠেলনা উইঁারে ।

অন । নিদ্রা যান মহারাজ ! আমরা হুজনে

জাগিব প্রহরী হয়ে ।

চিত্র । বাঞ্ছিত করিলে বড়,—নিদ্রার আবেশে

হয়েছে অবশ অঙ্গ—

[নিদ্রিত এবং সূমালীর প্রস্থান ।]

রূপ । দেখি নাই কভু ত অদ্ভুত এমন !

বলা কওয়া ছিল যেন সেই ভাবে এরা

একত্রে নিদ্রিত হলো ।

অন । এ দেশের বারি আর বাতাসের গুণে
হয় বুঝি এইরূপ ।

রূপ । আমাদের চক্ষে তবে নিদ্রা নাই কেন ?

অন । আমরাও ত নিদ্রা ইচ্ছা হতেছে না কিছু ;
সর্ব্বাঙ্গ শরীরে স্ফূর্তি আছে ত তেমতি ;
ঘুমায়ে পড়িল এরা ঐক্য হয়ে যেন ;
কিন্মা হেন বজ্রাঘাতে একত্রে মরিল ;
অহে রূপ মহোদয়, তুমি হে এখন,—
থাক্ থাক্, সে কথায় কাজ নাই আর—
তবু যেন লক্ষ্য হয় তব মুখশ্রীতে
অতুল মহত্ত্বটী—দেখিতেছি যেন
পড়িতেছে তব শিরে আকাশ হইতে
সুবর্ণ মুকুট থমে ।

রূপ । কি হে, তুমি জাগ্রত কি ?

অন । শুন্চ না, কি কথা ?

রূপ । শুন্চি বটে ; কিন্তু এ যে স্বপ্নের প্রলাপ—
নিদ্রিতের অসঙ্গত বাক্য এ তোমার ।
কি বল্ছিলে তুমি ?—কি আশ্চর্য্য নিদ্রা ইহা,
ছুই চক্ষু উন্মীলিত জাগ্রতের প্রায়,
কথা কয়, চলে যায়, দাঁড়িয়ে রয়েছে ;
গভীর নিদ্রার ঘোরে তবু অভিভূত !

অন । আমি হে নিদ্রিত নই, অহে মহাভাগ,
তোমারি সৌভাগ্য আছে অগাধ নিদ্রায় ।
এর চেয়ে মৃত্যু ভাল—জেগে নিদ্রা যাও ?

রূপ । এ ত নয় নিদ্রিতের নাসিকার ধ্বনি,
সে শব্দ একরূপ নয়—অর্থ আছে এতে ।

অন । অহে রূপ, কৌতূকের সময় এ নয় ;

তাজেছি এখন আমি স্বভাব চঞ্চল,
 অবধান কর যদি আমার কথায়,
 আমারি মতন হবে উৎসাহে উৎসাহী ;
 দ্বিগুণ রুধির স্রোত বহিবে অঙ্গেতে
 দ্বিগুণ বাড়িবে পদ নিমেষ মধ্যেতে ।

রূপ । স্রোতহীন বারিতে কি স্রোত বহে কভু !

অন । বহে যদি পারে কেহ—

আমি বহাইব স্রোত তোমার শরীরে ।

রূপ । দেখ তবে পার যদি ভাটা ফিরাইতে ;
 একটানা চিরকাল আমার এ দেহে
 আলস্যই কুলগত স্বধর্ম আমার ।

অন । অহে রূপ, তোমার ব্যঙ্গ উপহাসে,
 ক্রমে আরো সে বাসনা হতেছে প্রবল ;—
 “জড়ালে ফাঁসের গিরো, যত খোল তায়,
 তত আরো ফাঁসে ফাঁসে গিরো বসে যায়,”
 জাননা ত এ প্রবাদ—জানিতে যদিপি
 ত্যজিতে এ ব্যঙ্গভাব, হইতে উদ্যোগী ।
 অসাহসী পুরুষেরা এইরূপে বটে
 ভয় কিম্বা আলস্যেতে অধঃপাতে যায় ।

রূপ । বলে যাও—বলে যাও ;—দেখিয়া তোমার
 মুখের ভঙ্গিমা আর চখের ইঙ্গিত,
 বোধ হয় যেন কোন দুর্জয় বাসনা
 প্রজ্জ্বলিত হয়ে তব অন্তর দহিছে ।

অন । শোন তবে, শোন বলি, ভ্রাতৃপুত্র তর
 মরেছে অগাধ জলে—মরেছে নিশ্চয় ;
 যতই বলুক আই চতুর প্রচোতা,
 ভুলাইতে ভূপতিরে উপন্যাস কথা ।—
 আরে ধূর্ত ব্যবসায়ী, মিথ্যা কথা কয়ে

কাটাইলি চিরকাল জঠরের দায়ে,
আজ মলে কাল তোরে কেহ না খুঁজিবে ;
সুমায়ে সঁতার দেওয়া তোমারো যেমন,
রাজপুত্র বেঁচে থাকা নিশ্চয়ই তেমন ।

রূপ । অনন্ত হে আশ্বাস নাহিক আমার ।

অন । সে আশ্বাস না থাকাই তোমার আশ্বাস ;
সে আশা নিশ্চূল কিন্তু এত উচ্চ আশা
উদয় হয়েছে সেই নিরাশা অন্ধরে
অতি উচ্চ বাসনাও সে আশা শিখরে
আরোহিতে নাহি পারে অনেক আয়াসে—
রাজপুত্র বেঁচে মাই—তোমারো ত মত ?

রূপ । না—সে জীবিত নাই ।

অন । ভাল তবে বল দেখি, রাজসিংহাসনে,
সে অভাবে অধীশ্বর কে হবে গুজরাটে ?

রূপ । রাজকন্যা কলাবতী ।

অন । কি বল্ল—অঁ্যা ? কলাবতী ?—সিংহলেতে যিনি ?
কুমেরুকেস্ত্রেতে এবে অবস্থিতি যার ?
পাবে না যে এ সংবাদ, সংবাদ না দিলে
স্বর্গ্যদেব বার্তাবহ হইয়ে আপনি,
কিন্তু সদ্যোজাত শিশু শ্রদ্ধধারী হয়ে ?
যার জন্যে সাগরের জঠরে ডুবিয়া
বাঁচিয়াছি কেহ কেহ দৈব নিবন্ধনে ;—
অহে রূপ, বিধাতার কৌশল এ সব,
তোমা আমা দুজনার গৌরব বাড়াতো ।

রূপ । এ আবার কি ?—কি বল্চ হে ?

সত্যইত কলাবতী সিংহল মহিষী
গুজরাটের অধীশ্বরী বসন্ত অভাবে ;
সিংহলো গুজরাট হোতে দূর কিছু বটে ।

অন । এত দূর—ভাবিলে ত, মানেনা বিশ্বাস
 পুনর্বার আসিবে সে, গুজরাট নগরে ;
 থাক্ সে সিংহলে পড়ে ;—রূপ হে জাগ্রত
 হও তুমি ;—বল এরা কাল নিদ্রাগত ;—
 অই যে নিদ্রিত দেখ, উইঁারও সদৃশ
 রাজকার্য্যে স্ননিপুণ সম্রাট কুলীন
 আছে ত অপর আরো গুজরাটধামেতে
 সদা নিরর্থক ভাবী অই যে প্রচেতা,
 আছে ত অনেক লোক উহারো মতন ;
 কাজ কি অন্যের কথা—আমিই ত আছি ;
 অহে রূপ মহাভাগ, যদি হে তোমার
 হইত আমার মত দুর্জয় বাসনা,
 ইহাদের এ নিদ্রায় কতই উচ্ছেতে
 উঠিতে পারিতে তবে—বুঝেছ কি ?

রূপ বুঝি—বুঝি ।

অন । বোধ তবে সে ঐশ্বর্য্য, অতুল সম্পদ
 তোমারই এ বাসনার অমুগামী কি না ?

রূপ । তুমিই না হরেছিলে তোমার ভ্রাতার
 কঙ্কনের সিংহাসন ?

অন । হরেছিল বটে ;—তাই দেখ না এখন
 কেমন সেজেছে অঙ্গে রাজ পরিচ্ছদ ;
 পূর্বে ভৃত্যগণ যত ভ্রাতার আমার
 আমারই সদৃশ ছিল—একগুণে আমার
 ভাছারাই হয়েছে হে আমার কিঙ্কর ।

রূপ । কিন্তু ওহে ধর্ম্মজ্ঞান করে যে নিষেধ ।

অন । ধর্ম্মজ্ঞান !—অহে রূপ, এ দেহের মাঝে
 কোন্‌ খানে সে বিচিত্র জ্ঞানের নিবাস ?
 এখানে ?—না এখানে ?—না অথ কোন স্থানে ?

আমি কিন্তু ভাল জানি আমার হৃদয়ে
নাহি সে দেবের বাস ;—সহস্র তেমন
ধর্মজ্ঞান এসে যদি করিত নিষেধ
লভিতে কঙ্কনরাজ্য—চূর্ণ করে তায়
ফেলিতাম পদতলে ।—পড়িয়া ভূতলে
অই যে তোমার ভাই—কি ভেদ উহাতে—
বলো হে কি ভেদ ওতে মৃত্তিকাতে আর ?

- নিদ্রা আর মরণেতে প্রভেদই বা কি ?
তখনও ত শাস্ত হয়ে থাকিবে ঘুমায়ে ।—
এই ক্ষুদ্র ছুরিকার আঘাতে উহারে
এ জন্মের মত পারি নিদ্রিত করিতে ।
তুমিও নিমেষ মধ্যে অই প্রাচীনেরে,
চির-নিদ্রা-অভিভূত করিতে হে পার ।
তা হলো ও মৃৎপিণ্ড, লোকালয় মাঝে
পারেনাকো আমাদের নিদ্রা রটাইতে
অন্য ওরা যত—বোঝে ওরা কালাকাল,
তুচ্ছ ইঙ্গিতের বশ কুকুরের মত,
• অন্নমুষ্টি পেলে সবে হবে পদানত ।•

রূপ । অহে বন্ধু প্রিয়তম ! দৃষ্টান্তের স্থল
করিব তোমায় আমি—তুমি হে যেরূপে
লভিলে কঙ্কন রাজ্য, আমিও তেমতি
লভিব গুজরাট দেশ ;—খোল তরবার—
এক চোটে এড়াইবে করদের দায় ;
জীয়ে রবে যত দিন অমাত্য প্রধান

- আমি রাজা, তুমি মন্ত্রী, হবে হে আমার ।

অন । এক সঙ্গে খোল তবে ;—আমিও যখন
উঠাইব তীক্ষ্ণ অসি—তুমিও উঠাইও
প্রচেষ্টার বক্ষঃস্থল দৃঢ় লক্ষ্য করি ।

রূপ । অহে, শোন— (গোপনে কথোপকথন ।

(অদৃষ্টভাবে স্ত্রমালীর প্রবেশ ।)

স্ত্রমা । তুমি আমার প্রভুর পরম হিতৈষী বন্ধু ; তোমার আসন্ন বিপদ, আমার প্রভু ষাট্টিবিদ্যার প্রভাবে সমস্ত অবগত হয়ে তোমাদের সকলের জীবন রক্ষার জন্য আমাকে পাঠায়েছেন ;—নতুবা তাঁর সঙ্কল্প নিষ্ফল হয় ।

(প্রচেতার কর্ণমূলে ।)

তুমি নিদ্রাগত, ছুরাআরা যত

ষড়বস্ত্র কত করে কুমন্ত্রণা ;

বাঁচিতে বাসনা থাকে ঘুমাইও না ;

ত্যজ নিদ্রা ঘোর শিয়রেতে চোর,

উঠ উঠ আর নিদ্রা যেওনা ।

অন । এসো তবে ;—আর কেন, বিলম্বে কি কাজ ?

মন্ত্রী । (জাগ্রত হইয়া)

হে বিজয়ী সুরবৃন্দ রক্ষা কর ভূপে ।

চিত্র । অঁ্যা—১—১;—ও কি ?—অহে ও—ওঠো, সকলে

ওঠো ;—তোমাদের তলবার খোলা কেন ? আর

মুখশ্রীই বা অমন পাণ্ডাশবর্ণ কেন ?

মন্ত্রী । কেন ? কি ?—কি ?—ব্যাপারটা কি ?

রূপ । মহারাজ ! আপনার বিপ্লবিনাশন

করিতে ছুজনে মোরা ছিলাম প্রহরী ;

হেনকালে বৃষধ্বনি অতি ভয়ঙ্কর,

কিন্মা যেন ঘোরতর কেশরীগর্জন

পশিল প্রবণ পথে ; সে ভৈরব নাদ

এই মাত্র গুনিলাম—তখনো ভয়েতে

হতেছে হৃদয় কম্প—

মহারাজ ! শোনেন্ নি কি ?

চিত্র । কই—আমি ত গুনিনি ।

অন ! অহো !—কি ভৈরব নাদ !—

রাক্ষসেরও হৃৎকম্প হয় সে হুঙ্কারে ;—
বান্ধুকি অস্থির হন ;—বোধ হলো যেন
সহস্র মাতঙ্গ-অরি একত্রিত হয়ে
করিতেছে হুঙ্কার ।

রাজা । মস্ত্রি !—তুমি শুনেছিলে ?

মন্ত্রী । সত্য কহি, মহারাজ, শুনু শুনু ধ্বনি
শুনিলাম কর্ণমূলে,—অপূর্ব তেমন
পূর্বে কভু শুনি নাই ।—সেই শব্দ শুনে
ভাঙিল নিদ্রার ঘোর, উঠিলু জাগিয়া ;
পরশিলু তব অঙ্গ বিকট চীৎকারি,
দেখিলাম অসিহস্তে দাঁড়ায়ে উঁহারা
শব্দ হয়েছিল সত্য—কিন্তু মহারাজ
সতর্ক হইয়া এবে থাকাই উচিত,
অথবা কুস্থান এই পরিত্যাগ করা ।

রাজা । এসো তবে এ কুস্থান করি পরিহার,
অভাগার অশ্বেষণে স্থানান্তরে যাই ।

মন্ত্রী । মহারাজ ! যুবরাজ আছেন নিশ্চয়
এদ্বীপেরই কোন স্থান ;—এ সঙ্কট হোতে
ত্রিকোট দেবতা তাঁরে করুন উদ্ধার ।

রাজা । হও তবে অগ্রসর ।

সুমা । (স্বগত) প্রভুর নিকটে গিয়ে বলতে হবে সব ।

[সকলের প্রস্থান ।

দ্বিতীয় অঙ্ক ।

দ্বীপের অন্য এক ভাগ ।

দ্বিতীয় গর্ভাঙ্ক ।

(কাঠের বোঝা মাথায় বর্ষটের প্রবেশ ।)

মেঘের গর্জন ।)

বর্ষ । মরুক - ব্যাটা বৈজনো মরুক ;—সর্বাপে কুড়িকুণ্ডী
হয়ে মরুক—ব্যাটা আমায় একদণ্ড আলিঙ্গি রাখতে দেয় না—
খাটতে খাটতে মরু । গাল দিচ্ছি তার পরিশুলো সব গুন্টে—
গুন্টুক ;—গাল না দিয়ে যে থাকতে পারিনে ।—সে গুলো এখন
এসে জ্বালাতন করবে এখন । কান টান্বে, চুল টান্বে' চিম্টি
কাট্বে, কাদায় ফেলে দেবে—ভয় দেখাবে—না হয় ত আলেয়া
সেজে অন্ধকারে পথ ভুলিয়ে দেবে । কথায় কথায় ব্যাটা সেই
গুলোকে আমার উপর নেলিয়ে দেয় ;—কখন বাদর হয়ে এসে
মুখ ভেঙচায়, আঁচড়ায়, কামড়ায়,—ঝালাপালা করে মাল্লে ;—
না হয় যে পথ দিয়ে যাচ্ছি সেই পথের মাঝখানে সজারুর মত
হয়ে পড়ে থাকে—আর মাড়িয়ে ধল্লোই—উঃ, প্যাঁট প্যাঁট করে
কাঁটা ফুট্বে দেয় ;—আবার না হয় ত সাপের মত জিব লক্
লক্ করে ফোস্ ফোস্ করে চোটাতে থাকে । ব্যাটারা আমায়
ক্ষেপ্তে তুলে ।—অই রে—ঐ—আস্চে ।

তিলকের প্রবেশ—মাথায় বোঝা ফেলে

বর্ষটের ভূতলে শয়ন ।)

তিল । আবার মেঘ ডাক্চে—ঝড় ওঠবার উজ্জুগ্ হচ্ছে—
যাই কোথা !—এখানে ঝোপঝাপ কিছুই দেখ্চি নে ; কোথায়
লুকুই !—বাপ্ রে—মেঘের যে কাছনি, বোধ হচ্ছে মুষলের ধারে
বৃষ্টি হবে ।—আবার যদি তেমনি ধারা বজ্রাধাত হয়—মাথা
গোঁজবার একটুকু স্থান নেই—আ—গ্যাল—এটা কি ?—কি

এটা পড়ে রয়েছে ? মানুষ না কচ্ছপ ? জ্যাস্ত না মরা ?—
উঃ—কি দুর্গন্ধ—মরা কচ্ছপই বটে—কিন্তু বড় নূতনতর
দেখছি !—আমি যদি এই সময় একবার কল্কাতায় যেতে
পাতুম, আর এই কচ্ছপটাকে রংচঙে করে মানুষের আজ বের-
য়েচে বলে মাঠের ধারে একটা তাঁবু ফেলে বসতে পাতুম ত কত
পয়সাই লাভ হতো ;—সেখানকার বাবুরা আজ কাল ভারী
হজুকে হয়ে উঠেছে ঘোড়ায় নাচ, বিবির নাচ, ভুত নাবান, সং
নাচান নিয়ে বড়ই সাধরচে হয়ে পড়েচে—কিন্তু এ দিকে একজন
ভিকিরি এলে এক মুটো চাল ঘোটে না।—টোলচোপাড়িগুলো
একবারে লোপ পাবার ঘো হয়েছে, তবুও ব্রাহ্মণ পণ্ডিতদের এক
পয়সা দিয়ে সাহায্য করেন না।—সত্যি ত এটা জ্যাস্ত যে !—
এ কচ্ছপ নয় এই দেশেরই মানুষ, বজ্রাঘাতে এমনি হয়ে
পড়েচে। (মেঘের গর্জন ।) হায় হায়, আবার ঝড় উঠল—যাই
এইটের পিঠের তলায় লুকুই গে—এখানে ত অত কোন আশ্রয়
দেখি নে।—বিপদে কত রকম লোকের সঙ্গেই মিত্রতা হয়—
ঝড়টা যতক্ষণ থাকে এরই পিঠের নীচে পড়ে থাকি।

(মদের বোতল হাতে গান করতে করতে উদয়ের প্রবেশ ।)

উদয় .

(গান ।)

ও আমার আদরিণী প্রাণ

চলো যাবে গঙ্গান্নান

হাঠখোলাতে তোমায় আমার খাব পাকা পান—

চলো আদরিণী প্রাণ ।

উঁহু—এ সুরটাই হচ্ছে না ।

(পুনর্ব্বার গান ।)

বকুল গাছে শিমুল ফুল

চাঁদের কাণে হীরের ফুল

বহর ষোলো রঙ্গস হলো চামর চোঁচা চুল ।

পায়ের তার বোড়া মল
হাতে বাজু পলার ফল
তাইরে নারে তাইরে নারে না ।
দূর হোক—এই আমার ধনস্তরি—

(মদ্যপান ।)

বর্ষ । উ—উ ;—অরে আর টিপিস নে তোর পায়ের পড়ি ।

উদ । অ্যা—এ আবার কি ? এ কি ভূতের দেশ না কি ?
তুই কি আমায় কচিছেলে পেয়েচিস্, যে চারটে পা দেখয়ে ভয়
দেখাবি—সমুদ্রের সাঁতার দিয়ে, ভূতের ভয়ে কি আঁতকে
পড়তে হবে না কি ?—বাবা আমি উদয়চাঁদ—

বর্ষ । উ—উ—আমায় সাপে - চিম্টে মাপে ।

উদ । এটা এই দেশেরই চারপেয়ে, মানুষ, বাতকের অর
হয়েছে ।—কিন্তু আমাদের দেশের বুলি শিথলে কোথেকে ?—
যাই হউক ব্যাটাকে এর একটুকু খাইয়ে দিয়ে বাঁচাতে হলো ;—
গুজরাটে নিয়ে যেতে পাল্লো বিলক্ষণ দশ টাকা লাভ হবে ।

বর্ষ । তোর পায়ের পড়ি—আমাকে আর পেড়াপীড়ি করিস্
নে—আমি এখনি কাট নিয়ে যাচ্ছি ।

উদ । এইবার অরের ধমকটা এসেছে তাই এলো মেলো
ধক্কে ; বোতল থেকে ফোঁটা কত দিতে হলো ; পেটে যদি কখন
না পড়ে থাকে ত গলা থেকে নামতে না নামতেই সেরে যাবে ;
—এটাকে বাঁচাতে পাল্লো হয় ।

বর্ষ । বুঝেছি, তোর কাপুনিতেই বুঝেছি, আর বেসিঞ্চণ
থাক্‌বি নি—বৈল্লনো তোকে ডাক্‌ছে ।

উদ । ওরে ও—ধর, হাঁ কর ; যা খেতে দিচ্ছি এমন আর
পাবি নে—তোর অরের কাপুনিকে এখনিই কাপয়ে তুলবে—হাঁ
কর ব্যাটা, হাঁ কর—আপনার পর জানিস নে ;—ফের—হাঁ কর ।

তিল । ক্যামন্‌ হলো । চেনা লোকের মতন্‌ গলটা যে !

বোধ হচ্ছে যেন—কিন্তু সে যে ডুবে মরেচে । রাম রাম । এগুলো সকলি ভূত । গুরুদেব রক্ষা কর ।—

উদ । আ সর্বনাশ ; চার্টা পা, ছরকম কথা—এ যে বড় আশ্চর্য্য জানোয়ার দেখচি,—সামনের মুখে ভাল বলে, আবার পেছনের মুখে গাল দেয় । যদি বোতলের সবটুকু দিলে ভাল হয় তবে তাও করব । আয়—তোর ও মুখে একটুকু ঢেলে দি আয় ।

তিল । কেও—উদয় !—

উদ । আমার নাম ধরে ডাকে যে ; হুর্গা হুর্গা—এটা জানোয়ার নয়—ভূত—পড়্যে থাক—ওটাকে ঘাঁটয়ে কাজ্ নি ।

তিল । উদয় কি ?—বলি অহে যদি উদয় হও তবে একবার আমায় ছোঁও দেখি আমার সঙ্গে কথা কও দেখি । আমি তিলক—তোমার পরম বন্ধু তিলক ।

উদ । যদি সত্যি হও ত বেরয়ে এসো ; ছোট ছোটো পা ধরে টানি—দেখি যদি তিলক হয়, তবে এই ছটাই তার পা ।—আরে তাই ত, সেই ত বটে । আরে তুই—এখানে কোথেকে—এ কচ্ছপটার পিটের নীচে সঁধুলি কি সে ?

তিল । আমি ভেবেছিছু ওটা মরা—বাজপোড়া ;—কিন্তু ভাই—উদয় তুমি মরেছিলে নয় ?—এখন মনে হচ্চে যেন মরোনি ঝড়টা গেছ কি ? আমি ঝড়ের ভয়েই এটার নীচে সঁধিয়ে ছিছু । সত্যি বল ভাই, জ্যাস্ত আছিস না মরেছি ।—উদয় ! দেশের লোক হুজন বেঁচেছে—উদয় ! হুজন বেঁচেছে—মাগছেলেকে থপর দেবার লোক ছেল না—আ—বাচলুম ।

উদ । অহে অমন করে নাড়া চাড়া দিও না—পেট্টা বড় সহজ অবস্থা নেই ।—

বর্ক । ভেকধারি পরি যদি না হয় ত এরা বড় সরেস লোক ;—ইনি ত দেবতা বিশেষ—আর সঙ্গে যে জলটুকু ছিল, সেইটুকুও মধু—আমি ঠুর কাছে একবার ভূমিষ্ট হই—

উদ । তিলক তুই ক্যামন্ করে পার হয়েছিখ—সত্যি বলো—

এই বোতল ছুঁয়ে বল্। আমি একটা মদের কুঁপোয় বসে ভাস্তে ভাস্তে এসেছি।

বর্ষ। আমাকে দেও—আমি ছুঁয়ে দিবি কচ্চি—যে আজ থেকে তোমার চরণের গোলাম আমি—

তিল। আমি সাঁতরে এসেছি—জানত আমি জলের পোকা।

উদ। তবে ধর—এইতে মুখ দিয়ে দিবি কর।

তিল। অহে উদয়, আরো আছে—না এই?—

উদ। এই কি? গোটা পিপেটাই রয়েছে, কিনারার ওপর একটা পাহাড়ের ভেতর লুক্য়ে রেখে এসেছি। যত চাস্ থাস্—জলছত্তর্ কল্লেও ফুরাবে না—ক্যামন্ রে জানোয়ার—তোরা বাতিক শ্লেষ্মাটা ক্যামন্?

বর্ষ। হ্যাঁ গা—তুমি আকাশ থেকে নেমে এসেছ বুঝি।

উদ। না রে না—চাঁদের ভেতর থেকে এসেছি—দোঁখন্ নে চাঁদের ভেতর একটা মাহুয় বসে থাকে—আমিই সে।

বর্ষ। হাঁ, হাঁ—তবে তোমাকে দেখেছি বৈকি। আমার মনিবের একটি মেয়ে আছে—সেই তো আমাকে চাঁদের ভেতর তোমাকে দেখয়ে ছেলো;—সেই একটা হরিং কোলে করে তুমিই বুঝি বসে থাক?

উদ। বেস্ বলেচ বাবা, বেস্ বলেছ,—আর একটুকু খাও।

তিল। কি আলা এটা ত ভারী গর্দভ দেখছি।

বর্ষ। এখনকার যত ভাল ভাল যায়গা দেখাব, তুমি আমার চাকর রাখবে বলো?

তিল। হা—হা—হা;—দম্ফেটে গেল—আর কত হাসুবো—ব্যাটাকে ঠেঙাতে ইচ্ছা করচে—কিন্তু জানোয়ারটা মাতাল হয়ে পড়েছে—পাপিষ্ঠ—কদাকার।

বর্ষ। কোন্ শালা আর তার চাকরি করবে—ব্যাটা বেধড়ক বজ্জাৎ—বয়ে গেচে কাট বয়ে মরতে—আমি এই ঠাকুরের তল্লিদার হবো;—ও গো তোমাকে এখনকার সব সন্ধান বলে দেব—কাঠ

বয়ে দেব—মাছ ধরে দেব—ফল পেড়ে দেব—ভাল মিঠেন জল
এনে দেব—আমি তোমারই পানের জুতো ।——

হাত জুড়োন—খাটনি গেল,

কলা দেখে বুনো পালাল—

আর ত যাব না ।

থাক্গে পড়ে মনিব্ ব্যাটা,

খুজে নিগুগে পারে ঘটা,

তার কপালে মুড়ো কাঁটা

হা—হা—হাঃ ।

তিল । বাপ্ রে—কি চীৎকার্ ;—এটা কি জানোয়ার হ্যা ?

বর্ষ । পেয়েছি নূতন মনিব্, স্মৃথে থাকুক

আরত যাব না,

আমি আর—আরত যাব না ;

মাছ ধরতে, ঘুনি পাতুতে ধেউড় কাঁদে করে,

আমি ত আর ত যাব না ।

খুজে নিগুগে—অন্যকে সে

কঃ—কঃ—কঃ—কলাটি আমার—

• আমি আর ত যাব না ।

উদ । রেসু বাবা—চলো আগে আগে চলো ।

[সকলের প্রস্থান ।

তৃতীয় অঙ্ক ।

প্রথম গর্ভাঙ্ক

বৈজয়ন্তের কুটিরের সম্মুখ ভাগ ।

(বৃহৎ একখণ্ড কাষ্ঠ স্বন্ধে করিয়া বসন্তের প্রবেশ ।)

বস । অনেক আমোদাচ্ছাদ আছে এ সংসারে
বহু কষ্ট ব্যতিরেকে সম্ভোগ্য না হয় ;—
কিন্তু সে কষ্টের কষ্ট আনন্দে ঘুচায় ।
কার্য্য অনুরোধে কভু উজ্জ্বলিত করে
অসম্ভব ফললাভ অকস্মাৎ হয় ।—
যে কাজে প্রবৃত্ত এবে, আমি হেন জনে
ইহা কি সম্ভবে কভু ?—কিন্তু ভৃত্য ধীর,
এ দাসত্ব ধীর জন্তে —সেই শশিমুখী
মৃত দেহে প্রাণদান, নিরানন্দে সুখ,
করিছেন বিতরণ—আনন্দরূপিণী ।
আহা ! কি দয়ার দেহ, কোমল হৃদয় !
যেমন কঠিন হিয়া পিতার তাঁহার
তার শতগুণ দয়া প্রিয়ার আমার ।
এইরূপে কাষ্ঠখণ্ড সহস্র গণিয়া
বহিয়া রাখিতে হবে স্তূপেতে সাজায়ে—
হায় কি নির্ভুর সাজ্জা !—যখনি প্রেমসী
এসে দেখে এ হৃদশী, নয়নের জলে
বন্ধঃস্থল ভাসে—আর কেঁদে কেঁদে বলে
“হেন ভাগ্যে হেন দশা ঘটাইল বিধি ।”
করচি কি ভ্রমেতে ভুলে প্রেমের প্রলাপে !

কিন্তু এই সুবোধ চিন্তাই আমার
জীবনের সুখামৃত,—মগ্ন যতক্ষণ
থাকি আমি এ চিন্তায়, আশ্রিত ভুলি সব ।
(নলিনীর প্রবেশ ;—এবং চিকিৎদ্বরে অস্পষ্টভাবে
বৈজয়ন্তের প্রবেশ ।)

নলি । কি অভাগিণী ! হা অদৃষ্ট !—ওগো ক্ষণকাল
তিষ্ঠ তুমি এই স্থানে—কর ক্লান্তি দূর ।
যন যন ঘর্ষবিন্দু ছুটিছে ললাটে—
হায় রে কি পরিতাপ !—বজ্রামলে কেন
দগ্ধ হয়ে ছার খার না হয় এ সব ?
দিতেছে যেমন কষ্ট, আগুনে জলিয়া
পুড়ে ছার খার হোক !—পাঠে মগ্ন পিতা,
ওগো এই অবসর—দণ্ড দুই কাল
তুমি নিরুদ্বেগে থাক ।

বস । হায় ! প্রিয়ে —এখনি যে সূর্য্য অন্ত হবে,
আসিবে তিমির নিশি, সন্ধ্যা না হইতে
শ্রম সাক্ষ্য করা ভাল ।

নলি । ক্ষণেক তিষ্ঠগো তুমি—আমি লয়ে যাই,
ধুয়ে আসি কাষ্ঠভার তোমার হইয়ে ;—
দেও, ও বোকাটি দেও, আমার মাথায় ।

বস । না না, হৃদয়েশ্বর ! তাও কি সম্ভবে ?
নবীন অধিক অই কোমল অঙ্গেতে
তুমি ব্যথা পাবে, আর আমি রব বসে !
তার চেয়ে পৃষ্ঠদণ্ড খণ্ড হোক মোর—
শিরা, অস্থি মাংসপেশী চূর্ণ হয়ে যাক ।

নলি । এ কাজ করিতে যদি তোমাকেই সাজে,
কি লাজ আমার তবে—আমায় সাজিবে ;
তোমা হোতে শীঘ্র অরো পারিব করিতে ;—

আমার সাধের কষ্ট সহজে সহিব,—

তোমার অনিচ্ছা এতে—কষ্ট হবে কত !

বৈজ্ঞ। (স্বগত) বোঝা গেছে, বোঝা গেছে—বিহঙ্গ আমার
পড়েছে ব্যাধের জালে ।

নলি। আহা ! তুমি নিতান্তই কাতর হয়েছ !

বস। না, ধনি ! না সীমন্তিনি ! তুমি হেন শশি

উদয় হয়েছ যবে হৃথের নিশিতে,

এ নিশি প্রফুল্লতম উষাই আমার ।

প্রিয়ে ! নামটি কি ?—অন্য ইচ্ছা নাই ওহে

তব নাম লয়ে ধৈর্যাব পরমেশ্বরে,

তাই এ জিজ্ঞাসা ;—প্রিয়ে ! নামটি কি ?

নলি। নলিনী—

ওমা, আমি কি কল্লম—পিতার নিষেধ

বিস্মৃত হলেম, হার !

বস। ধন্য ধনি হে নলিনি ! এ জগতে তুমি

অমূল্য বস্তুর সার—আশ্চর্যের চূড়া,—

হে সুন্দরি ! এ বয়সে শুনেছি অনেক

কামিনীর কণ্ঠস্বর পিয়ুষ লহরী,

শ্রবণকুহর ভরে পিয়াসা জুড়ায় ;

দেখেছি নিমেষশূন্য নয়নে অনেক

রমণীর অপরূপ রূপের মাধুরী ;

কিন্তু আহা নিঃকলঙ্ক নির্মল এমন

একাধারে সর্বগুণ চক্রে দেখি নাই ;

রূপে গুণে সকলেরি কলঙ্কের লেশ

আছে কিছু—তুমি প্রিয়ে স্বর্গের প্রতিমা !

প্রাণেশ্বর ! প্রজাপতি ষট্ঠিকা তোমায়

ব্রহ্মাণ্ডের রূপ গুণ একত্র করিয়া ।

নলি। রমণীর রূপ নয়নে হেরি নে ;

আপনারি প্রতিবিশ্ব হেরেছি দর্পণে ;
 পুরুষও দেখেছি যাহা অধিক তা নয়—
 পিতা আর তুমি ভিন্ন—তুমি হে স্নহৎ—
 অন্যে কভু দেখি নাই ;—অন্যত্র কি রূপ
 মানবের অবয়ব তাহাও জানিনে ;
 কিন্তু কহিতেছি সত্য কৌমারের নামে—
 যে কৌমার সবে মাত্র সম্পদ আমার—
 তোমার সঙ্গিনী ভিন্ন পৃথিবী ভিতরে
 অন্য কারো অমুগামী হোতে ইচ্ছা নাই ;
 ভেবেও পাই না ধ্যানে তুলনা তোমার ।
 কিন্তু বৃথা কেন হেন প্রগল্ভা হতেছি,
 বারম্বার ভুলিতেছি পিতার নিষেধ ।

বস । প্রাণের নলিনি !—আমি রাজার তনয় ;

অথবা নৃপতি বুঝি হয়েছি এখন—
 আমি কি হে করিতাম দাসত্ব স্বীকার,
 জঘন্য এমন বৃত্তি ?—নিকটে আসিতে
 পারিত কি এইরূপে মক্ষিকা সকল ?
 গুন বলি মন খুলে, কি হেতু হে তবে,
 এ দাসত্ব করি আমি— কি হেতু মস্তকে
 বহি, এ কষ্টের ভার—ও চন্দ্রবদন—
 কি সূধা যে আছে হোতা বুঝিতে না পারি—
 দেখিলাম যে মুহূর্ত্তে, অমনি পরাণ
 ছুটিল তোমার অই চরণ সেবিতে ;
 তোমারি জন্যেতে প্রিয়ে, দাসত্ব আমার ।

নলি । আমারে কি ভাল বাস ?

বস । চন্দ্র, সূর্য্য, বসুন্ধরা—সাক্ষী হও সবে,
 সত্য যদি বলি তবে বাহ্যাসিদ্ধি করো,
 প্রতারণা মিথ্যা যদি থাকে এ কথায়,

তবে যেন আশাতৃষ্ণা সব মিথ্যা হয়, —

এ বিশ্ব ব্রহ্মাণ্ড মাঝে সবার উপরি,

ভালবাসি, ভক্তি করি, তোমায় সুন্দরি !

নলি। হায় রে অবোধ মন !—আনন্দ সংবাদে
কাঁদিতেছি কেন আমি !

বৈজ। আজি এ দৌহার প্রেম জগতে দুর্লভ
একত্রে মিলন হলো !—হে ত্রিদিববাসী,
প্রসন্ন হইও দেব, এদের সন্তানে !

বস। কাঁদে কেন ?

নলি। কাঁদি, নাথ, আপনারি হীনতা ভাবিয়ে ;
মনে করি দিয়ে যাহা পুরাই বাসনা,
মনে করি নিয়ে যাহা জুড়াই জীবন,
দিতে নারি, নিতে নারি, সাহস করিয়া ।

দূর হোক এ কথায়—বৃথা এ সকল !

গোপন করিতে চাই যতই ইহাতে

ততই প্রকাশে আরো মনের বেদনা

যারে লজ্জা, কপটতা, দূর হয়ে যা,

এসো সরলতা দেবি, বসো রসনায়,

মনের বাসনা যাহা প্রকাশিয়া দেও !—

হৃদয়-বল্লভ তুমি আমি ভার্য্যা তব,

যদি হে সম্মত হও—নতুবা তোমার

দাসী হব যতকাল পরাণে বাঁচিব ;

সম্মত না হোতে পার সজ্জিনী করিতে

কিঙ্করী করিতে কিন্তু নারিবে এড়াতে !

বস। প্রিয়তমে প্রাণপ্রিয়ে !—তোমারি হে আমি
থাকিলাম পদাশ্রিত জন্ম জন্মকাল ।

নলি। তবে তুমি পতি হলে ?

বস। কারাবন্দী ব্যগ্র যথা বন্ধন ত্যজিতে,

ভেমতি আগ্রহ সহ, হলাম তোমারি,
এই ধর করশাখা দিলাম, প্রেমসি !
নলি । আমারো পরাগ, আমি, অহে প্রাণনাথ !
দিলাম ইহারি সঙ্কে ;—বিদায় এখন,
অর্দ্ধ দণ্ড পরে এসে করিব সাক্ষাৎ ।
বস । বিদায়—জীবতেষরি ! (আলিঙ্গন) ।

[উভয়ের প্রস্থান ।

বৈজ । (স্বপ্নত)
আহ্লাদ বিস্ময়ে এরা মোহিত হয়েছে ;
না সন্তবে এ আনন্দ আমারে কখনো ;
কিন্তু মম অদৃষ্টে হবে নাক আর
এমন সুখের দিন !—এখন পাঠেতে
বসিয়া করিগে পুনঃ অন্য আয়োজন ;
হবে শীঘ্র সমাপিতে, সন্ধ্যা না হইতে ।

(প্রস্থান ।

তৃতীয় অঙ্ক :

দ্বিতীয় গর্ভাঙ্ক ।

(বর্ষট, উদয় এবং তিলকের প্রবেশ ।)

বর্ষ । কুর্ভা, আজ্ঞা হয় ত আমার সেই কথাটা বলি ।
উদয় । শুনবো বই কি, বল ; হাঁটু পেতে বোস্, বসে, ষোড়-
হাত করে বল—ওমরাও সাহেবদের কাছে খোসামুদে ওমেদ-
ওয়ার বাবুরা যেমন করে বলে, তেমনি করে বল ;—ধর, আগে
একটুকু খেয়ে নে ।

তিল। অহে! ওটাকে আর দিও না; ব্যাটা মরবে যে—
চোক দুটো বসে গেছে।

উদ। অহে! ও কি তেমনি জানোয়ার—আজকাল ভাল
মানুষের ছেলেদের ছচার বোতল ওল্ডটমেই কিছু হয় না, তা
এই আদ মানুষ আদ জানোয়ারটার এতে কি হবে!—অ্যা,
তার পর?

তিল। ও কি!—ও হলো না;—ওমরাও সাহেব স্তবোরা
ওমেদওয়ার বাবুদের যেমন করে ছ এক ঘা জুতোর গুঁতো দিয়ে
আলাপকুশল করে, তেমনি ধারা ছ এক ঘা দেও, তবে ত হবে।

বর্ষ। তোকে ছ এক ঘা দিগ;—এই দেখ্ আমিই না হয়
ছ এক ঘা দি।

তিল। পাজি—বজ্জাৎ—বত বড় মুখ তত রড় কথা।

বর্ষ। দেখ্লে—দেখ্লে—আমায় গালাগালি দিচ্ছে—
কর্তামশায় ওকে তুমি কিছু বলবে না?

উদ। ওহে তিলক থেমে যাও, সাবধানে কথাবার্তা কও।
ও আমার ভৃত্য, অপমানের কথা সহিতে পারে না।—বল্ তুই
কি বল্ছিলি বল্।

(অদৃশ্যভাবে স্ত্রমালীর প্রবেশ।)

বর্ষ। বলেছিই ত, আমি একজন নিষ্ঠুর পাষণ্ডের হাতে
পড়েছি;—সে বেটা ভেকী জানে আমাকে বাছ করে ফাঁকি
দিয়ে আমার হাত থেকে এই রাজ্যটা কেড়ে নিয়েছে।

স্ত্রমা। দূর—মিথ্যুক্।

বর্ষ। তুই মিথ্যুক্—তোর বাপ্ মিথ্যুক্—দাঁতকেলানে
বান্দর।

উদ। তিলক! ফের যদি ওর কথায় বাগ্ড়া দেও ত এক
কিলে ছপাটী দাঁত উপড়ে ফেলব।

তিব। আমি ত কিছুই বলি নি।

উদ। তবে চুপ্ কর;—বল্ তুই বল্

বর্ষ। সেই হাড়পেকে বাজীকর ভেকী করে আমার হাত

থেকে রাজ্যটা ফাঁকি দিয়ে নিয়েছে ;—তাকে যদি জব্দ করতে পার ;—আমি জানি তুমি পারবেই—ও পোড়ার মুকো হতুমানের মতন্ ত নয়—ভয়েই অস্থির ।

উদ । ঠিক, ঠিক্‌তা বই কি ।

বর্ষ । তা হলে তুমিই এখান্ কার রাজা, আর আমি তোমার মোড়ল্ হবো ।

উদ । তাই ত রে—ক্যামন্ করে সেটা হয় বল্ দেখি — একবার তাকে দেখাতে পারিস্ ?

বর্ষ । মশাই গো এক্‌গি, এক্‌গি ;—সে ঘুম্‌য়ে থাক্‌বে, আর আমি তোমাকে তার কাছে ছেড়ে দেব—কাছে না গিয়ে মাথায় এক ঘা গুলবসান লাঠি আচ্ছা করে বস্‌য়ে দিলেই—
সুমা । তোৰ বাপের সাধি—ব্যাটা মিথুক্ !

বর্ষ । আ মলো—এটা কি নচ্ছার্ । দূর কচুথেকো—কলা পোড়াটা খাও,—মশায় একে ঘা কত দেও ত, আর ঐ বোতলটা কেড়ে নেও ত । ব্যাটা বোদা জল থেয়ে মরবে এখন—কোন্ শালা ওকে পাহাড়ের ঝরণা দেখ্‌য়ে দেবে ।

উদ । তিলক আর বাড়াবাড়ি না ;—ফের যদি আধ্‌খানি কথা মুখে আন ত মাইরি বলচি, মাথাতা কিলিয়ে আট থানা করে ফেলব ।

তিল । কই আমি কি বল্‌চি—কিছুই ত বলি নি ;—কাজ নেই বাবু সরে দাঁড়াই ।

উদ । ক্যান বল্লিনে যে ও মিছে কথা বল্‌চে ।

সুমা । তুই মিছে কথা বল্‌ছিস্ ।

উদ । আমি ? ইয়ারা শালা, আমি ?—তবে এই দ্যাখ্ (মুষ্টি প্রহার)—ক্যামন্, আর একবার বলে দেখ না, আমি মিছে কথা বল্‌চি ?

তিল । কই এমন কথা ত আমি বলিনি । কাণের মাথা থেয়েছ—বোতলটার মুখে আগুন ; মদ খেলে এমনিই হয় বটে—

বাপ ভাই জ্ঞান থাকে না ; তোমার হাতে কুড়িকুষ্ঠি হয় না ;
আর এই পাজি নছার কাণকাটাটাকে যমে ধরে না ?

বর্ক । হা—হা—হা !

উদ । বল্ তুই বল্, যা তুই সরে দাঁড়া ।

বর্ক । বেস্ বেস্ ভাল করে যা কত দেও—তার পর
আমিও একবার উত্তম মধ্যম কর্‌ব ।

উদ । যাও সব দাঁড়াও ।—বল্ তুই বল্—তার পর ।

বর্ক । সে প্রত্যহ ছপর বেলা ঘুমোয় ; সেই সময় না গিয়ে,
পুঁথি গুলো সরয়ে ফেলে, মাথায় যা কত লাঠি, না হয় পেটে
একটা বাঁশের ডগালি, না হয় ত তোমার ঐ ছোরাখানা দিয়ে
গলাটা ছুটির কল্লেই অক্লা পাবে । কিন্তু সাবধান্ আগে তার সেই
পুঁথি গুলো সাত্ কর্‌তে হবে, সে গুলে না থাক্লে আমিও যেমন
মদ, সেও তেমনি । সে ব্যাটা সবায়েরই ছুচোখের বিষ্—কিন্তু
সাবধান পুঁথিগুলো আগে পুড়িয়ে ফেলো, সেই গুলোতেই ব্যাটার
বেতালসিদ্ধি ; তাই থেকে কি বিড়্ বিড়্ করে পড়ে, আর এক
বারে হু শ, চার শ ভূত, প্রেত, দানা, দক্ষি এসে উপস্থিত হয়—
আর যা বলে তাই করে ।—আবার তাও বলি, তার যে একটি
মেয়ে আছে যেন টুকটুকে মাকাল ফল ।—আমি ত মেয়ে মানুষ
কখন দেখিনি—কেবল ঐজটা মাকেই দেখেছি—তা মনে হয়
যেন আকাশ পাতাল তফাৎ ।

উদ । অ্যা বলিস্ কি ? অ্যামন সুন্দরী ।

বর্ক । মাইরি বল্‌চি ;—সে তোমারই উপযুক্ত—বিছানা
আলো করে থাক্বে—আর সোণার চাঁদ সব ছেলে বিয়োবে ।

উদ । আরে কচ্ছপদাস, আমি সে ব্যাটাকে মার্বই মার্ব ;
আর সেই সুন্দরীকে (হরি হরি) রাগী করে, এখান্কার রাজা
হব । তুই আর তিলক দুজন আমার সুবেদার হবি ; ক্যামন্
তিলক্ এতে মত আছে ত ?

তিল । তুমি যা বল্‌ছ, তার কি আর অন্যথা ?

উদ। তাইত বটে এসো একবার কোলাকুলি করি ;—
তোমার গায়ে হাত তুলে কাজ্‌টা ভাল করিনি ; অমন্‌ ধারা
এলো মেলো আর কখন বকো না ।

বর্ষ। তবে আর দেরি ক্যান - সে এখুনি ঘুমবে—চল যাই ।

(অন্তরীক্ষে গান বাদ্য)

উদ। ও কি ?

তিল। তাই ত—কেও—কেউ কোথাও নেই—এ যে—

উদ। কে রে তুই ? হাত পা থাকে ত এখনি দেখা দে,
আর না হয় ত এই যমের বাড়ি যা—

(শূন্তে অজ্ঞাঘাত)

তিল। গুরুদেব, রক্ষা কর !

উদ। মলে ত আর কোন শালার কজ্জ শুধুতে হবে না;—
তা ভয় কি—ভূর্গা ভূর্গা ।

বর্ষ। তোমরা ভয় পেয়েছ না কি ?

উদ। না রে বর্ষট, আমি না——

বর্ষ। ভয় কি গো ; এ দেশেতে শব্দ মনোহর

হয় নিত্য দিবানিশি গীত বাদ্যধ্বনি,

কখন কঠোর, কভু মধুর ঝঙ্কার ;

অনিষ্ট ঘটে না তাতে, সুধাবৃষ্টি হয় ;

কভু বাজে শত শত বেহালা সেতার

মুহু মুহু মধুস্বরে ;—কভু ধীরে ধীরে

ললিত কণ্ঠের স্বর শ্রবণ জুড়ায় ।

জাগি যদি নিদ্রাভঙ্গে, নিদ্রালু করিয়া

করে দেহ অবসন্ন নিদ্রায় আবার ।

স্বপনে কতই দেখি আশ্চর্য্য অদ্ভুত—

গগন ফাটিয়া যেন হীরক কাঞ্চন

ঢালে শিরে রাশি রাশি—যেন বা কখন

অমরারতীর দ্বার দেখায় খুলিয়া ।

নিভ্রাভঙ্গ হলে আর কিছুই থাকে না ;

কাঁদি কত সেই স্বপ্ন দেখিতে আবার ।

উদ। বাহবা, বড় মজার রাজত্ব পাব—নিখরচায় গান
বাজনা শুনব—বহুত আচ্ছা ।

বর্ক। বৈজ্ঞানোকে মাল্লে তার পর ত ।

উদ। সে ত হবেই ; রয়ে, রয়ে—সে কথা ভুলিনি, মনে
আছে ।

তিল। আছে ঐ শব্দটা চলে যাচ্ছে, চলো আমরাও ওর
সঙ্গে সঙ্গে যাই—তার পর দেখা যাবে ।

উদ। চলবে বর্কট, চল—এগো । আমি এই বাজয়েকে
একবার দেখতে পাই, বাহবা ক্যামন বাজাচ্ছে !

তিল। উদয় যাবে ত এগও, আমি তোমার পেছু পেছু যাই ।

সকলের প্রস্থান ।

তৃতীয় অঙ্ক ।

তৃতীয় গর্ভাঙ্ক ।

কীপের অন্ত এক ভাগ ।

(চিত্রধ্বজ, মন্ত্রী প্রচেতা, কৃপ এবং অনন্ত
প্রভৃতির প্রবেশ ।)

মন্ত্রী । (উপবেশন করিয়া)

মহারাজ ! অপরাধ মার্জনা করবেন—আমি আর পারিনে ;
আমার জীর্ণ অস্থিগুলো জর জর হয়েছে ; হাত, পা, কোমর, ঘেন
ভেঙে পড়চে ; আমি একটুকু না বসলে আর চলতে পারি নে ।

চিত্র । শূদ্ধমস্ত্রি, তোমাকে দোষ দেব কি, উৎসাহভঙ্গ হয়ে আমিই শ্রান্ত হয়ে পড়েছি বসো একটুকু বিশ্রাম কর । এই খানেই আমি আশা ভরসা পরিত্যাগ কল্লেম ;—মিছে আর কেন ঘুরে বেড়ান ; যার জন্তে এত কষ্ট, সে সমুদ্রে ডুবেছে, পৃথিবীতে অন্বেষণ কল্লৈ আর কি হবে ;—হা গুল্ল !

অন । (জনান্তিকে) যত হতশ্বাস হয় ততই ভাল ;—অহে রূপ, একবার ব্যর্থ হয়েছে বলে সঙ্কল্পটা ছেড়ে না ।

রূপ । ফের একবার স্মরণ পেলে হয়, এবার আর এড়াবে না ।

অন । তবে আজ রাত্রেই ;—কেন না, ওরা পথশ্রান্তিতে ক্লান্ত হয়ে পড়েছে—আজ তত সজাগ থাকবে না ।

রূপ । ভাল, তবে আজই ।—থাক আর ও কথায় কাজ নাই ।

(গভীর অদ্ভুত বাদ্যধ্বনি ; এবং অদৃশ্যভাবে শূন্যে বৈজয়ন্তের প্রবেশ ।—অন্নব্যঞ্জনের পাত্র হস্তে নানাবিধ অদ্ভুতাকার লোকের প্রবেশ । অন্নব্যঞ্জনের পাত্রাদি রাখিয়া তাহার চতুর্দিকে প্রদক্ষিণ করিতে করিতে নৃত্য এবং নম্রভাবে আকারেঙ্গিতে রাজাকে ভোজনে আহ্বান করিয়া সকলের প্রস্থান ।)

চিত্র । অহে অমাত্য, শোনো,—এ আবার কিরূপ বাদ্য !

মন্ত্রী । আহা—অতি আশ্চর্য্য—চমৎকার !

রূপ । এমন তামাসা ত কখন দেখি নাই—এ কি অসম্ভব !—কারো মুখে শুন্লে, এ সব কি বিশ্বাস হতো ? কিন্তু এখন আর কিছুতেই অপ্রত্যয় করব না,—রুকে মাথা, কন্ধকাট, প্রভৃতির যে সব গল্প শোনা গিয়েছে, তা এখন ভুলকলিই সত্য মনে হয় । বোঝা গেছে, দেশবিদেশ না বেড়য়ে, সোণারবেগেদের মত মাগ-মুখে হয়ে বসে থাকলেই, কুঁজড়ে হয়ে যেতে হয় ।

মন্ত্রী । কি আশ্চর্য্য ! গুজরাটে গিয়ে এ কথা বলে কি কেউ প্রত্যয় যাবে, যে, অমুক দেশে এরূপ কিস্তুতকিমাকার মানুষ দেখে এসেছি ?—কথা ত মিথ্যা নয়—এরা ত এই দেশেরই

লোক বটে। যাই হউক, আকার অবয়বে যতই কেন রিক্ততাক্ষ হউক না, সভ্য জাতি বলে যত জাতি গর্ব করেন, তাদের অনেকের চেয়ে এরা সহস্র গুণে ভদ্র ।

বৈজ। (জনান্তিকে) সাধুপুরুষ—যা বল্চ সত্যই বটে ;—কেন না উপস্থিত যে কজনের মধ্যে তুমি বসে রয়েছ, এরা সকলেই নরাদম হুস্মতি ।

চিত্র। তাই ত আমি কিছুই ভেবে উঠতে পার্চি নে ;—এমন্ আকৃতি—এমন্ অঙ্গভঙ্গি—এমন্ শব্দ—কথা না করে একরূপ সদালাপ ত কোথাও দেখি নি !

বৈজ। (জনান্তিকে) এখন না হে—এখন না—যাবার সময় বত পার সুখ্যাতি করে। //

অন। ক্যামিন আশ্চর্য্যরূপে মিল্য়ে গেছ !

রূপ। যাক না কেন—আহার সামগ্রী গুণে ত রেখে গেছে, আর আমাদের ক্ষুধা নেই, তাও ত নয়। মহারাজ যৎকিঞ্চিৎ আশ্বাদ গ্রহণ করতে আজ্ঞা হয় ।

চিত্র। না—আমি ত না ।

রূপ। ভয়ের কারণ নাই ;—যখন আমাদের গোপদাড়ি ওঠেনি, তখন কত কথাই অলীক, অসম্ভব, গালগল্প মনে কর্-তুম ;—এখন ত স্বচক্ষেই সব দো লেন।—রাক্ষস পিশাচ দানাদিত্যদের যে সব কথা শোনা যেতো সে সব পাহাড়ী বুনো ব্যতিরেকে আর কিছুই নয় ।

চিত্র। কপালে মাই থাক্—আহার করি ;—না হয় এই আমার শেষ আহার হবে ।—সুখের দিন যা, তা ত ফুরয়ে গেছে।—ভাই রূপ—ককন ভূপতি অনন্ত—এসো তোমরাও এসো ।

(বজ্রনাদ এবং বিদ্যুৎ । রাক্ষসবেসে সুমালী পরিব্রবেশ, এবং অকস্মাৎ অন্নব্যঞ্জন অদৃশ্য হইল ।)

সুমা। স্বজাতি হিংস্রক, অরে পাপী তিন জন !

ইহকালে সুখভোগ নাহিরে তাদের ;—

অদৃষ্টই মূলাধার, এ মহীমণ্ডলে ;
 যেমন ছত্রিয়া তার উপযুক্ত ফল
 পেয়েছিস এত দিনে ।—সর্বগ্রাসী দেব
 সাগরও তোদের নিজ উদয়ে না ধরে,
 উগারি ফেলেছে এই জনশূন্য দ্বীপে,
 লোকালয়ে থাকিবার অযোগ্য ভাবিয়ে ।
 রাজা, রূপ প্রভৃতি কর্তৃক অসি নিক্ষেপিত করা
 এবং তদৃষ্টে স্মালীৱ উক্তি ।)

সুমা । হতভাগ্য জন যত এইরূপে বটে
 আপনার মৃত্যুবাঞ্ছা আপনিই করে ;
 আত্মঘাতী হয় কেহ রজ্জুতে ঝুলিয়া,
 কেহ বা, সলিলে ডোবে ;—অরে, ও নিকৌধ ।
 নিয়তির সূত্র লয়ে, ব্রহ্মাও ভিতরে
 ভ্রমণ করি অমরা ;—এ দেহে কি হয়
 অস্ত্রাঘাতে রক্তপাত ;—যে ধাতুনির্মিত
 তোদের এ করবাল, উহাতে যেমন
 বায়ুতে আঘাত করা, কিম্বা জলদেহে,
 আমারো দেহেতে ওর প্রহার তেমতি ;
 পক্ষটিও খসিবে না উহার আঘাতে—
 অনুচরগণও মম অভেদ্য সকলি ;
 আঘাতের সম্ভবনা যদিও থাকিত,
 দেখ্ তা ফুরায়ে গেছে—নিস্তেজ শরীর
 অস্ত্র উঠাইতে এবে সামর্থ্যবিহীন ।
 শোন বলি—(এই কথা কলিতেই আসা)
 বৈজয়ন্ত সাধু ছিল কঙ্কন ভূপতি,
 তোরা তিন জনে মিলি তাড়াইলি তায়,
 অকুল সাগরজলে করিলি নিক্ষেপ,
 বালিকা কন্যার সহ তারে ভাসাইলি ;

তারি পুরস্কার ইহা, স্বর্গরাসী যত
 (ভুলিবার নয় তাঁরা) এত দিন পরে,
 বৈমুখ তোমাদের প্রতি ; তাঁদেরি আজ্ঞায়
 ক্ষিতি, তেজ, বায়ু আদি জীবজন্তু যত
 সকলে করিছে এবে তোদের বৈরিতা ।
 সেই পাপে, চিত্রধ্বজ, নির্ঝংশ হইলি,
 হারালি প্রাণের পুত্র ; আরো মনস্তাপ
 পাবি তুই যতদিন থাকিবি সংসারে ;
 দিন দিন যাতনায় হবে আয়ুক্ষয়—
 অকস্মাৎ মরণের স্মৃতিও না ভুঞ্জিবি ।
 তাঁদের আজ্ঞায় আমি দিলাম এ শাপ ।
 সে পাপের প্রায়শ্চিত্ত করিয়া তাঁদের
 ক্রোধানল নিবারণ করিবার হেতু
 অকৃত্রিম অনুতাপে হৃদয় শুধিয়া
 পাপ পথ পরিত্যাগ কর ভবিষ্যতে,
 ইহা ভিন্ন নাহি আর—না করিবি যদি
 অনন্ত যাতনা তবে পাবি পদে পদে ।

(বজ্রনিবাদ এবং পরিব্রাজক অদৃশ্য হওন—পরে মৃচ্ছ বাদ্যধ্বনি সহকারে নৃত্য করিতে করিতে পূর্বোক্ত বিকৃত শরীরীদের প্রবেশ এবং ভোজন পাত্রাদি লইয়া প্রস্থান ।)

বৈজ । বেস বাবা সন্মালি বেস—এই রাক্ষসের আচরণটা অতি পরিপাটি হয়েছে, তোমার অহুচারণেরাও যার যে কর্ম অতি সুন্দররূপে নির্বাহ করেছে। এত দিনে আমার কুহকশিক্ষা সার্থক হলো, শত্রুপক্ষ সকলেই হস্তগত এবং উন্নতপ্রায় হয়েছে।—দুর্মতির। কিছুকাল এই যন্ত্রণা ভোগ করুক ;—আমি এক্ষণে রাজকুমার বসন্ত এবং প্রাণাধিকা নলিনীর দিকট গমন করি ।

[বৈজয়ন্তের শব্দ হইতে প্রস্থান ।

মন্ত্রী । কি সর্বনাশ ! মহারাজ কি হলো ! অমন করে
উদ্ধ নৈত্র হয়ে এক দৃষ্টিতে দাঁড়িয়ে ক্যান ? হা জগদীশ্বর !

চিত্র । ভয়ঙ্কর ! ভয়ঙ্কর !—গুণিলাম কাণে,
মাগর-তরঙ্গ যেন ছল্লারি কহিল;—
সমীরণ সেই কথা নিনাদিল যেন,—
বজ্রনাদ গভীর ভৈরব ভীমনাদ
গুণাইল বৈজয়ন্ত ভূপতির নাম ;
তাই বলি প্রাণাধিক বসন্ত আমার
ডুবেছে সমুদ্রজলে, এ জন্মের মত ;—
যাই তবে আমিও সে অতল সলিলে,
কর্দম শয্যায় পুত্র পড়িয়া যেখানে ।

[দ্রুতবেগে প্রস্থান ।

রূপ । আসে যদি একে একে, সহস্র রাক্ষসে
একা পারি বিনাশিতে ।

অন । আমি হই সহকারী তবে সে যুদ্ধেতে ।

উভয়ের প্রস্থান ।

মন্ত্রী । হতশ্বাস, উন্মত্ত হয়েছে,
মনোগত পাপ এবে জ্বলিছে অন্তরে ; •

• কালব্যাপী বিষ যথা কাল বিলম্বিতে ।—

দ্রুতগামী যত জন আছে হে তোমরা

যাও দ্রুত পাছে পাছে—নিবার গে স্বরা ;

না জানি কি কোরে বসে উন্মত্ত-প্রমাদে ।

প্রভে । এসো হে সকলে এসো ।

সকলের প্রস্থান ।

চতুর্থ অঙ্ক ।

প্রথম গর্ভাঙ্ক ।

বৈজয়ন্তের কুটীরের সম্মুখ ভাগ ।

বৈজয়ন্ত এবং বসন্তের প্রবেশ ।

বৈজ । কঠিন যাতনা বাপু দিয়াছি তোমায় ;
কিন্তু তার বিনিময়ে তেমতি ছল্লভ
দিয়াছি অমূল্য ধন প্রাণের ছহিতা ;
সংসারের সার বস্তু জীবন আমার ;
এই ধর পুনর্বার করি সম্প্রদান ।

বুঝিতে তোমার প্রেম, এত যে যাতনা
দিলাম অশেষ ক্লেশ, সহিলে যে সব,
দেখাইলে প্রণয়ের অদ্ভুত ক্ষমতা ।
সাক্ষী হও সুরবৃন্দ করি সম্প্রদান
অমূল্য ছহিতা-রত্ন ছল্লভ জগতে ।
হেসো না হে যুবরাজ পশ্চাতে জানিবে
শত মুখে বাখানিয়া ফুরাতে নারিবে ।

বস । অপ্রত্যয় এ কথায় হবে না আমার,
আকাশবাণীতে যদি বিপরীত কয় ।

বৈজ । দিলাম হে ধর তবে মম উপহার,
আমার ছহিতা-রত্ন—মহা যত্নে তুমি
করেছ যা উপার্জন ধর সেই ধন ;
কিন্তু যদি হোম যাগ বিধানের আগে
ফোঁমার-কলিকা চূর্ণ করহ উহার,
করিলাম অভিশাপ, তবে এ বিবাহে
ফুটিব না প্রণয়ের সুরভি কুসুম,
ফলিবে না প্রেমতরু, ক্রমে শুথাইবে ;

বন্ধা রবে চিরকাল কলহ বিবাদে,
বিষদৃষ্টি দৌহাকার দৌহারে পুড়াবে ;
জন্মিবে কণ্টকরূপ ঘৃণা, মনান্তর,
এ বিবাহে পরিণামে গরল উঠিবে ।

বস । ঘোর অন্ধকার পুরী নিবিড় কানন,
দিবস, রজনী, কিবা সময় সুষোগে,
কোন স্থানে, কোন কালে, কভু যদি হয়
এ ভাবের ভাবান্তর—ভ্রমে যদি কভু
ভুলি এ পবিত্র প্রেম মদনের মদে,
তবে যেন যত আশা কামনা করেছি
ভুঞ্জিতে প্রণয়-সুধা দীর্ঘজীবী হয়ে,
হৃদয়ের জ্যোৎস্নারূপ সন্তানে হেরিতে—
সব যেন ভস্ম হয় দাবদন্ধ প্রায় ।

ছবজ । সাধু, পুত্র, সাধু, সাধু—একত্রে ছজনে
বসো বাপু এই স্থানে কর সদালাপ ;
তোমারি এখন এই ছহিতা আমার ।—
সুমালি !—কোথারে, তুই, আয় বাপ আয়,
সুমালি !—

(পরির প্রবেশ ।)

সুমা । এই যে এসেছি প্রভু ।

বৈজ্ঞ । বেস, বাপ, বেস ;

রাক্ষসের কোঁতুকটা অতি পরিপাটি

দেখায়েছ অল্পচর পরিগণ সহ,

তাহারাও দেখায়েছে অদ্ভুত কৌশল ।

সেইরূপ আর এক আশ্চর্য্য কোঁতুক

দেখাইতে হবে পুনঃ, আছি প্রতিশ্রুত

কত্ৰা জামাতার কাছে,—যাও শীঘ্র যাও,

দলবল সঙ্গে লয়ে শীঘ্র এসো ফিরে ;

পাও শীঘ্র যাও ।—

সুমা । যাব তড়িতের ছায় ফিরিব চকিতে ।

বৈজ । বাপু আমার যাও শীঘ্র—এসো শীঘ্র ফিরে ;
দেখো আমি না ডাকিলে এসো না নিকটে ।

সুমা । বুঝেছি বুঝেছি, আর বলিতে হবে না ।

[প্রস্থান ।

বৈজ । সাবধান দেখো যেন সত্য রক্ষা হয় ।

প্রমত্ত বিলাসে অত অধৈর্য্য হইও না ;

হৃদয়ে জ্বলিলে শিখা, সহস্র শপথ

তৃণতুল্য দগ্ধ হয় তিলান্ন ভিতরে ;

ধৈর্য্য ধর, নতুবা যে সঙ্কল্প করেছে

ব্রাহ্মণায় নম বলি কর উদ্বাপন ।

বস । ভয় নাই মহাশয়, শোণিত উত্তাপ

শীতল করিতে স্নিগ্ধ প্রণয়ের বারি

হৃদয়ে রেখেছি তুলে—সতীত্ব যেমন

পতিহীনা রমণীর হৃদয় মাঝারে ।

বৈজ । সাধু—সাধু!—

সুমালিরে আয় তবে বেশ ভূষা করে ।

কথাটি কইও না কেহ, দেখ স্থির হয়ে ।

(লক্ষ্মী এবং চপলার বেশে দুই জন পরির প্রবেশ ।)

লক্ষ্মী । ও গো চপলা, ভাল আছিস ত ? স্বর্গের সকলে
ভাল আছেন ত ?—তোদের রাণী শচী কোথায় ? রতি এবং
কামদেব এখন কি তাঁর কাছেই থাকে, না সেই বিবাদ উপলক্ষ
করে অমরাবতী পরিত্যাগ করেছে ?

চপ । আপনি ভাল আছেন ?—বৈকুণ্ঠনাথের প্রসন্নভাব ?
আমাদের সকল মঙ্গল বটে, অমরনাথের সঙ্গে মন্থথের যে মনা-
স্তর হয়েছিল, ভালয় ভালয় মিটে গিয়েছে—এখন রতির সঙ্গে
তিনি অমরাবতীতেই আছেন ।

লক্ষ্মী । ওরে চপলে !—শচীর সঙ্গে একবার দেখা করতে ইচ্ছা হয়েছে, অনেক দিন দেখা হয় নি, তুই একবার তাঁরে সমাচার দিয়ে আয় না ;—তুই ত পলকে জগৎ ব্রহ্মাণ্ড ভ্রমণ করতে পারিস । ইন্দ্রধনুরূপ ছটা মাথায় দিয়ে মেঘের কোলে কত খেলাই খেলাস—তা যা না একবার । কিন্তু দেখিস বিলম্ব করিস্ নে—মেঘের সঙ্গে সাক্ষাৎ হলে তোর ত আর কিছুই মনে থাকে না—শচীদূতি, যা একবার যা ।

চপ । আর যেতে হবে না, অই তিনি আসছেন ।

লক্ষ্মী । তাই ত, শচীই যে ! চলনেই টের পেয়েছি । স্বর্গের রাণী না হলে, অমন সদর্প পদবিত্তাস আর কার ?

(শচীর প্রবেশ ।)

শচী । কে ও নারায়ণী ।—শ্রীকান্তের কুশল ? আজ আমার সুপ্রভাত, কতদিনের পর সাক্ষাৎ হলো ।—অমরনাথ সে দিনও তোমাদের কথা বলছিলেন—আমাদের একবারে ভুলে গেছেন । অমরাবতীতে ত আর পদার্পণ হয় না ।—তবে এখানে কি মনে করে ?

লক্ষ্মী । এই নববিবাহিতা দম্পতীকে আশীর্বাদ করতে এসেছি । চলো ভুজনে গিয়ে আশীর্বাদ করে আসি ।—এ ছুটি অতি পুণ্যাত্মা ।

শচী । চল, চল ।

লক্ষ্মী । (ধ্যান ভুজিয়া লইয়া)

করি আমি আশীর্বাদ, থাক দৌহে নিরাপদ,

অচলা ভাঙারে থাক ধন ।

স্ববৃষ্টি পালিত ধরা, তরুলতা ফলে ভরা,

শস্য ভার করুক বহন ।

বসন্ত নিয়ত বাস, পরিয়া কুসুমবাস,

আসিয়া থাকুক ধরাতলে,

দেখ সন্তানের মুখ, ঘুচুক সকল দুখ,
পাল অগ্নে দরিদ্র কাঙালে ।

এই আশীর্বাদ লও জন্ম জন্ম সুখী হও,
নারায়ণে ভেবো ইহকালে ।

শচী । অনন্ত যৌবন, লভ দুইজন,
রাজ্য সুশাসন, প্রজার পালন
সদানন্দ মন, কর সর্বক্ষণ
নিরাপদে কাল হর ;
বিপক্ষের কাল, স্বপক্ষের বল
প্রতাপে প্রবল, দেশমুখোজ্জ্বল
সম্প্রীতি কুশল, প্রণয়ে সরল
ঐশ্বর্য্য কিরীট পর ;
এই আশীর্বাদ করি নিরাপদ
অতুল সম্পদ, আহ্লাদ আমোদ
লয়ে থাক নারী মর !

বস । অদ্ভুত কোতুক ইহা দৃশ্য মনোহর,
সুশ্রাব্য মধুর ভাষ শুনিতে কোমল ;
ধুঝিবা ইহারা সবে হবে দেবযোনী !

বৈজ । দেবযোনী বটে এরা— অন্ধকূপ হতে
মন্ত্রবলে আনিয়াছি রহস্ত দেখাতে ।

বস । ইচ্ছা হয় এই স্থানে থাকি চিরকাল !
এ হেন অদ্ভুত জায়া, প্রবল স্বগুরু—
হবে এ কৈলাসধাম কিম্বা স্বর্গপুর !

বৈজ । থামো বাপু, কাণে কাণে লক্ষ্মী আর শচী
পরামর্শ করিতেছে অতি মৃদুস্বরে ;
আরো বুঝি হবে কিছু ;—

(স্বগত) প্রায় বিস্মরণ
হয়েছিল দুষ্টমতি বর্ষটের কথা ;

স্বপ্ন করেছ সে বধিতে আমারে,
সহকারী দস্যুসহ, ছুরায়া পামর ;
এতক্ষণ বুঝি তারা এসেছে কুটীরে ।

(পরিদিগের প্রতি)

পরিপাটী রহস্তটি হয়েছে হে বাপু,
এখন গমন কর সকলে স্বস্থানে । //

বস । হঠাৎ একপ কেন হলেন উতলা ?
দেখ প্রিয়ে, পিতা তর ক্রোধেতে অধীর
হয়েছেন অকস্মাৎ !

নলি । তাই ত গা, কেন হেন ? কখন ত আগে
দেখি নাই ক্রোধানল জ্বলিতে এমন !

বৈজ্ঞ । অহে বাপু, ভয় নাই, স্থিরচিত্ত হও ;
লীলা হলো সমাপন !—এ রঙ্গভূমিতে
সেজেছিল যত পরি করি নটবেশ,
বায়ুর পুত্তলি তারা মিশিল বায়ুতে,—
মিশিয়া হইল লীন তরল আকাশে !
হবে লীন এইরূপে, ইহাদেরি মত,
মাটির পুত্তলি যত মানব এ ভবে ;
পাষাণের অট্টালিকা অভভেদী চূড়া,
দেউল, মন্দির, মঠ, উন্নত শরীর,
রাজ নিকেতন ক্রিষ্টা দেব-অট্টালিকা
আভাময়ী, রত্নময়ী—চূর্ণ হয়ে যাবে !
এই যে মহীমণ্ডল ফণীজ্ঞ আসনে,
পয়োধি, পর্বত, বৃক্ষ, প্রাণিবৃন্দ সহ,
এও ধ্বংস হবে শেষে—চিহ্নটি না রবে !
অসার স্বপ্নের ত্রায় নিজায় বেষ্টিত
অনিত্য আমরা সবে অনিত্য জগতে !—
বিরক্ত হইও না বাপু, অথর্ক হয়েছি,

সদা ভিক্ত হয় চিত্ত অরাজীর্ণ দেহে ।—

ইচ্ছা যদি হয় তবে প্রবেশি গুহায়

বিশ্রাম করগে দৌহে ;—আমি ক্ষণকাল,

এই স্থানে বেড়াইয়া শীতল বাতাসে,

জুড়াই উত্তপ্ত তনু ।

নলি এবং বস । শান্তিলাভ অচিরাত্ হউক তোমার ।

[উভয়ের প্রস্থান ।

বৈজ । সুমালি নিকটে আয়, বিজ্ঞাতের গতি ।—

যাও, গৃহে যাও দৌহে ।——

(সুমালীর প্রবেশ ।)

সুমা । প্রভুর কি ইচ্ছা ? স্মরণ নাহে ভূত উপস্থিত ।

বৈজ । হে সুমালি ! দুষ্ট বর্ষটের যড়যন্ত্র-ব্যর্থ কর্‌বার কি ?

সুমা । আপনি যখন কন্যাজামতাকে রহস্য দেখাচ্ছিলেন সে কথ আমারও মনে হয়েছিল ; কিন্তু পাছে বিরক্ত হন ভেবে আপনাকে বলতে সাহস করি নাই ।

বৈজ । সেই পাজি নচ্ছারদের কোথায় ফেলে এসেছ বলছিলে ?

সুমা । আপনাকে শু বলেছি সুরাপানে সকলেই যেন মত্ত হয়ে উঠেছে ; ঙারী ঝাঁঝ, কাছে এগোয় কার সাধ্য ; বাতাস মুখে লাগচে, মাটি পায়ে ঠেঁকে, তাতেই আশ্ফালনের ধূম দেখে কে ? হয় তো বাতাসেই ঠেঁঙাচ্ছে নয় ত মাটিতেই লাথি মাচ্ছে ।

যেন কতই বাহাছর হয়েছে । কিন্তু তবুও বজ্জাতেরা আসল মতলবটা তোলে নি । তাই দেখে আমি বেহালা বাদ্য আরম্ভ কল্লেম । বাজনা শুনেই একবারে যেন মোহিত হয়ে গেল ।

ঘোটক শাবকেন্দ্রা যেমন নাসিকা, কর্ণ, চক্ষু বিস্তার করে শুদ্ধ হয়ে শোনে, তারাও তেমনি করে শুনতে লাগলো । বাজনা শুনে

এমনি মোহিত হলো যে, গাভী বৎসকল যেমন হাঙ্গা রব শুনে গাভীর পশ্চাৎ পশ্চাৎ ছোটো, তাহারাও তেমনি কণ্টকাকীর্ণ

কুশাচ্ছন্ন বনের ভেতর দিয়া আমার পশ্চাৎ পশ্চাৎ ছুটে

লাগলো । পরিশেষে আপনকার কুটারের বাহিরে পচা পানা পুষ্করিণীর ভিতর প্রবেশ করিয়ে ছেড়ে দিলুম ; সেই পুষ্করিণীর গাঢ় পক্ষে বদ্ধ হয়ে, এক গলা জলে দাঁড়িয়ে সকলে ছট ফট করছে ।

দস । উত্তম করেছ ; ঐরূপ অদৃশ্যভাবেই আমার কুটার হতে মন্ত্রপূত পরিচ্ছদটা নিয়ে এসো—দস্যাদের ধরতে হবে ।

সুমা । যে আজ্ঞা ।--

[প্রস্থান ।

বৈজ । নারকি—পিশাচ—ছুরাআর এম্নি অসং প্রকৃতি, যে কতই যত্ন পরিশ্রম কল্পম—কত উপদেশই দিলুম, সকলই ব্যর্থ—সকলই নিষ্ফল হলো । বয়োবৃদ্ধির সঙ্গে ক্রমে যত কুশী আর কদাকার হচ্ছে, অন্তঃকরণটাও তেমনি ক্রুর হচ্ছে । সব ব্যাটাকে উত্তমরূপ শাস্তি দিতে হবে—যেন চীৎকার করতে করতে নিশ্বাস রোধ হয়ে প্রাণত্যাগ করে ।

(সুমালীর পরিচ্ছদ লইয়া পুনঃ প্রবেশ ।)

(দেও—পরয়ে দেও । উভয়ের অদৃশ্যভাবে অবস্থিতি ।)

(আর্দ্রদেহ বর্ষট, উদয় এবং তিলকের প্রবেশ ।)

বর্ষ । দোহাই তোমাদের, একটুকু আস্তে আস্তে পা ফেল । ইঁহর বেরালটি পর্য্যন্ত যেন টের না পায় । এখন আমরা তার কুটারের মধ্যে প্রবেশ করেছি ।

উদ । অরে ব্যাটা কচ্ছপ—তুই না বলে ছিলি, তোদের পরি কার কোন অনিষ্ট করতে জানে না, তবে আমাদের এ হুর্দশা হলো ক্যান ? ব্যাটা আলেয়ার মত ঘুরিয়ে মেরেছে—বাপ্ ।

তিল । অরে ও ! আমার সর্ব্বাঙ্গে যেন ঘোড়ার প্রস্রাবের হুর্গন্ধ বেরুচ্ছে—উঃ—কি হুর্গন্ধ ; খুঃ—খুঃ—

উদ । তাই ত, আমরাও ত দেখছি—অরে ও, আমার সঙ্গে ভণ্ডামি ? দেখ্—

বর্ষ । মশাই গো, রাগ করবেন না ; এ কষ্ট এখনি ঘুচবে—কত আশ্চর্য্য অমূল্য সামগ্রী পাবে তার আর কি বল্ । একটুক

ধীরে ধীরে কথা কও—হৃপুর রাত্রের মত দেখ সব নিষাড় হয়েছে ।

তিল । যাই হউক বোতলটা সেই পুকুরে রইল—

উদ । কি লজ্জার কথা ;—এমন সর্বনাশ কি মানুষের হয় ।

তিল । ভিজ়ে ঢোল হয়েছি—তাতেও কিছু এসে যায় না, কিন্তু বোতলটা—অরে ব্যাটা কুজুকুয়াও—এই কি তোর পরি কার মন্দ করতে জানে না ।

উদ । যাই—বোতলটা আনিগে—না হয় মাথা ভেজে ভিজ়বে ।

বর্ষ । মশাই—স্থির হউন ;—এই যে দেখছেন, এটি তার গুহা প্রবেশের দ্বার—নিঃশব্দে ইহাতে প্রবেশ করুন । একবার যদি তাকে মারতে পারেন—তবে আর এ রাজস্ব কোথা যায়—প্রভু গো, আমি তোমার গোলাম ।

উদ । আয় তবে আয় ;—আমার গায়ের রক্তটা তেতে উঠছে—হাতটা নিস্ পিস্ কছে—ব্যাটার মাথাটা গুঁড়ো করে ফেলব ।

তিল । অহে উদয়—রাজচক্রবর্তী উদয়—সম্রাট কুল প্রদীপ উদয়—দ্যাখ—দ্যাখ—হেথা কি বহুমূল্য রাজপরিচ্ছদ দ্যাখ—
/ বর্ষ । ছুঁইও না—আরেও পড়ে থাক্—ছুঁইও না—দূর হোক ।

তিল । অরে ধূর্ত কচ্ছপবাচ্ছা—জানি রে, আমরা জানি—রাজপরিধেয় বস্ত্র আমরা চিনি—উদয় হে দ্যাখ দ্যাখ—

উদ । তিলক—খোল বলচি—আমাকে দে—নৈলে এখনই তোর মুণ্ডুপাত করব ।

তিল । না না—এ তোমারই ত—এই নেও ।

বর্ষ । চুলোয় যাও !—ও গুলো এখন পড়ে থাক্ না—তুচ্ছ কাপড় চোপড় নিয়ে এত ব্যস্তক্যান ?—তাকে আগে খুন করে, তার পর যাইচ্ছে হয় করো । একবার যদি জেগে ওঠে ত তুলরাম খেলয়ে দেলে এখন—ঝাড়মোড় মুচড়ে বাতের ব্যাথায় ছটকটয়ে দেবে—গ্যালো আর কি—সর্বনাশ হলো ।

উদ । আরে কচ্ছপ—থাম্—থাম্ ;—তুই এই গুলো নিয়ে যা—
আমাদের মদের পিপেটা যেখানে আছে সেই খানে রেখে আয় ।

তিল । নে—হাতে একটুকু খড়িমাটি মাখ্—ব্যাটার হাত ত
নয় যেন ধানসিজনো হাঁড়ির তলী ।

বর্ষ । আমি ওতে নেই ;—মরণ আর কি—মিছেমিছি
সময়টা যাচ্ছে ;—দুব্যাটা হাবাতের হাতে পড়ে প্রাণটা গেলো ।

উদ । ধর্—ধর্—আলগা করে ধরিস্ ;—নৈলে এখনি
তোকে এ দ্বীপ হোতে বহিস্কৃত করে দেব ;—ধর্—এটাও নিয়ে
যা—

তিল । তবে এটাও নে ।

উদ । এটাও নে যা—

(রাক্ষসমূর্তি কতিপয় পরি সঙ্কে লইয়া স্ত্রমালীর

প্রবেশ এবং উহাদিগকে বেষ্টন ।)

বৈজ । বাঁধ—হাতে পায়ে গলায় লোহার শৃঙ্খল দিয়ে বাঁধ
অন্ধকূপের ভিতর নিয়ে যা ;—পিছবোড়া করে বাঁধ, বৃকে
পিঠে কোঁকে বাত ধরয়ে দে—আর সাপের ফণা ধরে চাদিক
থেকে চোটাতে আরম্ভ কর ।—পাজি—নেমোখারাম—চোর—
ডাকাত ব্যাটারা—নেযা বেটাদের অন্ধকূপে নেযা!—

[উহাদিগকে লইয়া পরিদিগের প্রস্থান ।

স্ত্রমা । ঐ—শোনো—চীৎকার শোনো—

বৈজ ; আচ্ছা করে শাস্তি দেবে, যেন চিরকালের জন্ত স্মরণ
থাকে ।—তুমি আর খানিকক্ষণ আমার কাছে থাকো ; এখন
শত্রু সকল হস্তগত হয়েছে—আমারও পরিশ্রমের শেষ হয়ে
এসেছে ;—আর দণ্ডেক ছুদণ্ড পরেই তোমার দাসত্ব মোচন
করব ।

[সকলের প্রস্থান ।

পঞ্চমাক্ষ ।

প্রথম গর্ভাক্ষ

বৈজয়ন্তের কুটীরের সম্মুখভাগ ।

(বৈজয়ন্ত এবং সূমালীর প্রবেশ ।)

বৈজ । অব্যর্থ কুহকমন্ত্র ফলিছে অবাধে ;
আজ্ঞাবহ পরিগণ খাটিতেছে সবে ;
সময় সরলভাবে করিছে গমন ;—
হলো বুঝি এত দিনে ব্রত উদ্ঘাপন ;—
বেলা কত ?

সূমা । দিবাকর অন্তপ্রায়, অপরাহ্ন শেষ,
যে সময়ে আমাদের শ্রম অবসান
হবে কহেছিলো, প্রভু !

বৈজ । নলোছিহ্ন বটে, যবে উঠাইহ্ন ঝড় ;
সে কথা নিষ্ফল, পরি, হবে না আমার ;
কিন্তু বাপ্, বল দেখি কোথায় এখন,
কি ভাবে গুজরাটপতি সঙ্গীগণসহ
করিছে সময়ক্ষেপ ?

সূমা । কুটীরের চতুর্দিক করিয়া বেঠন,
বজ্রাঘাত ঝঞ্ঝাবাৎ বেগ নিবারিতে,
আছে যে শালের বন, তাহারি ভিতরে
গতিশক্তিহীন সবে আছে বন্দী হয়ে ।
হস্তপদে রজ্জুবাঁধা, বাঁধিয়া যে রূপে
দিয়াছিলো মোর ঠাই, আছে সেই ভাবে ।

তথায় ভ্রাতার সহ শুজ্জাট ভূপতি
সঙ্গে তব সহোদর—উন্মাদ হয়েছে ।
অনুচরগণ যত, কুণ্ঠিত সকলে,
সশঙ্কিত হয়ে সবে কারছে আক্ষেপ ।
নিতান্ত অধীর শোকে সেই বৃদ্ধ নর
ঝাঁরে, প্রভু সাধুধন্য প্রচৈতা নামেতে
করেছিল। সম্বোধন ;—হেমন্ত ঋতুতে
শিশিরের নীরধারা, শরবনে যথা,
শীঘ্র বয়ে পড়ে ধীরে, শূন্য বয়ে তাঁর
পড়িতেছে ধীরে ধীরে অশ্রুবিন্দু কণা ।

বৈজ । সত্য কি র্যা, পরিরাজ ?

সুমা । মানব শরীর হলে, আমারো হৃদয়
বিদীর্ণ হইত সেই যাতনা দেখিয়া ।

বৈজ । বায়ুর শরীর তোর, সুমালি রে, তুই
তাদের দুঃখেতে এত আর্দ্রচিত্ত হলি ;
আমার স্বজাতি তারা—তাদের মতন
শোকে তাপে জলে অঙ্গ—আমি কাঁদিব না ?
আমার মাংসের দেহ বিদীর্ণ হবে না ?

বিস্তর অহিত আমার বিস্তর যাতনা
দিয়াছে করেছে তারা অসংখ্য প্রকারে,
ভুলিব সে সমুদায়, করিব মার্জনা ।

এ ছরস্ত ভূমণ্ডলে, মানব জাতিতে
ক্ষমাই পরম ধর্ম—পরম দুর্লভ !

অনুতাপে তাম্বিত যে, তারে দণ্ড দেওয়া
ভ্রান্তমতি মানবের কতু বিধি নয় ।—
দেওগে বন্ধন খুলে, যাও হে সুমালি,
কুহক বন্ধন আমি করিহু মোচন,
হবে পুনঃ সচেতন এখনি তাহার ।

সুমা । যাই তবে, এই ধানে আনিগে তাদের ।

বৈজ্ঞ । অহে ও পূর্বতবাসী পরি যত জন,
 ভ্রম যারা পূর্বতের নিব্বারের ধারে,
 কাননে, কন্দরে কিম্বা নদ নদী তীরে—
 অহে পরি যত জন, সমুদ্র-বিলাসী,
 সদা রঙ্গ কর যারা সমুদ্র-পুলিনে,
 তরঙ্গের পাছে পাছে ছুটে ছুটে যাও,
 ভাটিয়া তরঙ্গ যবে সাগরে লুকায়,
 আবার যখন ছুটে ওঠে সে পুলিনে
 তরঙ্গের আগে আগে ছুটিয়ে পালাও !—
 গগনবিহারী পরি, নৃত্য কর যারা
 মাঠে মাঠে জ্যোৎস্না রেতে, তুণে ধেখা দিয়ে, *
 প্রভাতে হরিণী যত আসে সে মাঠেতে
 ঘ্রাণ পেয়ে সে তুণে মুখ না পরশে ।
 তোমরাও, অহে যত, দশ দণ্ড পরে
 রজনীতে ভেকছত্র কর প্রক্ষুটিত ।—
 তোমাদের সকলের সাহায্যেতে আমি,—
 আমি যে দুর্বল জীব, সামান্ত মানব,—
 তুলেছি প্রলয় ঝড় দিবা দ্বিপ্রহরে
 প্রচণ্ড মর্দন রশ্মি ধূমাচ্ছন্ন করো ;—
 নীলাশ্বর, নীল-অশ্বসাগরের সনে
 বাধায়েছি ঘোর রণ ;—ইন্দ্রের বজ্রেতে
 আলায়েছি হতাশন ;—দ্বিধাও করেছি
 প্রকাণ্ড শালের কাণ্ড সে বজ্র আঘাতে ;—

* পূর্বকালে ইংলণ্ডের সাধারণ লোকের বিশ্বাস ছিল যে, ঐরূপ রেখা সকল পরিস্থিতির দ্বারা অঙ্কিত হইত ; এবং রজনী-যোগে উহারা দলবদ্ধ হইয়া সেই সেই রেখাসকলের মধ্যে নৃত্য করিত । এই রেখা মধ্যস্থিত তৃণস্পর্শ করিতে কেহ সাহসী হইত না ।

অস্থির করেছি ধরা বাসুকির শিরে ।
 উঠায়েছি প্রেতবৃন্দ প্রেতরাজ্য হোতে
 মহাশক্তি যাদুমন্ত্রে করো আজ্ঞাবহ ।
 কিন্তু সে হ্রস্ব বিদ্যা ত্যজিলাম আজ,
 ত্যজিলাম এই দণ্ডে—মুহূর্ত্ত মাত্রেক
 আনিতে অমর-বাদ্য জপিব ইহারে ;
 চেতাইতে পুনর্বার মন্ত্রে নিয়ন্ত্রিত
 করিয়াছি ষত জনে ;—এখনি তা হবে—
 পরে খণ্ড করি এই ষষ্টি শত ভাগে
 গভীর মেদিনীগর্ভে রাখিব পুঁতিয়া ;
 কুহকের গ্রন্থমালা করিব নিক্ষেপ
 অগাধ সাগর জলে ।

(গভীর বাদ্যধ্বনি ;—উন্নত প্রায় চিত্রধ্বজের সঙ্গে প্রচেতা,
 এবং তদবস্থ রূপ অ অনন্তের সঙ্গে ভরত এবং বিজয়কে লইয়া
 স্রমালীর পুনঃ প্রবেশ । বৈজয়ন্ত কর্তৃক অঙ্কিত যাদু রেখার
 মধ্যে প্রবেশ করিয়া সকলের স্তম্ভিতভাবে অবস্থিতি ;—তদৃষ্টে
 বৈজয়ন্তের উক্তি ।)

বৈজ । • গভীর বাদ্যের স্বরে চিত্তের উদ্বেগ •

হয় শাস্ত অচিরাত—অসুস্থ তোমরা //
 কর শাস্ত চিত্তবেগ সে গভীর স্বরে ।
 কুহক নিগড়ে বদ্ধ করেছি অচল,
 থাক সবে, এই স্থানে—থাক দাঁড়াইয়া ।—
 সাধুত্তম প্রচেতা হে, নিরখি তোমায়
 আমারো নয়নে ধারা বহে অনর্গল ।—
 • প্রভাত কিরণে যথা ভাঙে নিশা ঘোর
 ভাঙিছে যাহুর ঘোর তেমতি এদের,
 চেতনার জ্যোতিঃ ক্রমে পশিছে অন্তরে,
 ক্রমে যাহা অন্ধকার ছিল এতক্ষণ !

অহে বন্ধু, রাজভক্ত প্রচৈতা প্রবীণ,
 দিব শোধ যত ধার ধারি হে তোমার,
 কথায়, কার্য্যেতে পারি—অহে চিত্রধ্বজ ।
 তুমি হে নির্দয় হয়ে বিবিধ যাতনা
 দিয়াছ আমায়, আর কষ্টারে আমার ;
 ছিলে তাতে সহযোগী, তুমি ও হে রূপ;
 তাই হেন মনস্তাপ পাত হে এখন !
 অনন্তরে তুই, সহোদর ভাই হয়ে,
 মায়া দয়া একেবারে সকলি ভুলিলি,
 ছুষ্ট ছুরাশার বশ হয়ে ছুরাঘ্নন্ !
 এখানে আসিয়া পুনঃ রূপের সংহতি
 (এ অসহ চিন্তানলে চিত্ত দহে তাই)
 মন্ত্রণা করিলি তোর সম্রাটে বধিতে—
 তোরেও করিছু ক্ষমা !—এখনো আমায়
 চিনিতে নারিছে এরা, একদৃষ্টে আছে !
 স্মালি হে, নিয়ে এসো শাণিত রূপাণ,
 নিয়ে এসো গুহা হোতে মাথার মুকুট,
 দেখা দিব কঙ্কনের ভূপতির বেশে ;
 শীঘ্র আনো, শীঘ্র তব দাসত্ব ঘুচাব ।

(গান করিতে করিতে স্মালীর পুনঃপ্রবেশ ।)

স্মা । যে কুসুমের মধুপান করে মধুমাছী,
 আমিও সে কুসুমের মধুপানে আছি ;
 ধুতুরা ফুলেতে গুয়ে স্নেহেতে ঘুমাই ;
 ডাকে যবে দিবা অন্ধ স্রধাংগুরে পাই ;
 বাতুলির পৃষ্ঠে চড়ি বেড়াই আকাশে ।
 গ্রীষ্মকালে বিশ্বমাঝে মনের উল্লাসে ;
 এবে পুনঃ উড়ে উড়ে কত গীত গাব,
 ফুলে ভরা তরুশাখা আনন্দে নাচাব ।
 বৈজ । বেস, বাপ, বেস ।—কিন্তু গুন রে স্মালি ।

অন্তরে বেদনা পাব বিহনে তোমার,
তবু সত্য করিলাম— দাসত্ব ঘুচাব ।
ক্লণকাল থাক বাপ, অদৃশ্য অমনি,
অই বেশে যাও এবে রাজপোত যথা,
দেখিবে কাণ্ডারী যত, গুল্ম আচ্ছাদিত,
আনো গে তাদের হেথা জাগ্রত করিয়া ;
দেখে শীঘ্র ফিরে এসো—

সুমা । না পড়িতে ছইবার নিশ্বাস তোমার,
আনিব তাদের হেথা—

[প্রস্থান ।

মন্ত্রী । ভয়ঙ্কর দেশ ইহা—অনন্ত যাতনা,
অদ্ভুত, আশ্চর্য্য যত—সকলি এখানে !—
হে বিধাতঃ, কর ত্রাণ এ কুণ্ডান হোতে ।

বৈজ । অহে, চিত্রধ্বজ রাজ ! দেখ চক্ষু মেলি,
বৈজয়ন্ত নরপতি সম্মুখে দাঁড়ায়ে ;
কঙ্কনের অধিকারী সেই হুঃখী আমি
যারে হুঃখ দিলে এত—এখনো জীবিত ;—
পরিচয় দিতে তার, করি আলিঙ্গন ।—
করি আবাহন, আসি কুটীরে আমার
আতিথ্য সৎকার সহ সঙ্গীগণ সহ ।

চিত্র । বৈজয়ন্ত হও, কিম্বা, হও অন্য কিছু
মায়ার পুত্তলী মাত্র প্রপঞ্চ অলীক,
দেখিলাম হেথা যত—না পারি বুঝিতে ।
কিন্তু শোণিতের স্রোত শরীরীর ন্যায়
বঁহিছে শরীরে তব ;—দেখিয়া তোমায়,—
তাও বলি—চিত্তদাহ কমেছে অনেক,
ক্লিষ্টপ্রায় এতক্ষণ ছিলাম বাহাতে ;—
এ যদি ষথার্থ হয় অদ্ভুত এ কথা ।

দিলাম তোমার রাজ্য ফিরিয়া তোমারে,
ক্ষম দোষ এ মিনতি এখন আমার ।
কিন্তু যদি যথার্থই বৈজয়ন্ত তুমি,
কিরূপে এখানে এলে ?— বাঁচিলে কিরূপে ?

বৈজ । অহে বন্ধু নরোত্তম, এসো হে অগ্রেতে
কয়ি অই বৃদ্ধদেহে স্নেহ আলিঙ্গন—
এ জগতে সাধু নাই তুলনা তোমার ।

মন্ত্রী । কি আশ্চর্য্য !—

সত্য কি প্রপঞ্চ ইহা বুঝিতে না পারি ।

বৈজ । এখনো এ মায়াময় দ্বীপের প্রভাবে
ভ্রমে অন্ধ আছ সবে, —অপ্রত্যয় তাই
করিতেছ অসংশয়ে সংশয় ভাবিয়া ।—
এসো হে বান্ধবগণ প্রবেশ কুটীরে ।

(জনান্তিকে রূপ ও অনন্তের প্রতি)

তোমরাও এসো—অহে তোমা দৌহাকারে,
ইচ্ছা হলে এই দণ্ডে পারি দণ্ড দিতে ;
রাজদ্রোহী অপরাধে অধ্যাত্ম প্রমাণে,
তুপতির কোপানলে পারি নিক্ষেপিতে !—
মিথ্যা কথা চাতুরীর সমস্ত এ নয়,
ক্যামন হে সত্য কি না ?

রূপ । (স্বগত) এ ব্যাটা মানব নয়—মায়াবী রাক্ষস !

নতুবা মনের কথা জানিল কিরূপে ?

বৈজ । মিথ্যা নয়, বুঝেছি তা ;— অরে ও চণ্ডাল,
সোদর বলিতে তোরে জিহ্বা দগ্ধ হয়,
তোরও গুরু অপরাধ করিছ মার্জনা ;—
এখন আমার রাজ্য ফিরে দে আমার
ভেবে দেখ দিতে হবে, এবে, নিরুপায় ।

চিত্র । বৈজয়ন্ত যদি ভূমি কহ বিবরণ

কি রূপে বাঁচিলে প্রাণে ?—ভেটিলে কি রূপে
আমাদের সঙ্গে হেথা কহ বিস্তারিয়া ;
হবেনাকো দণ্ড ছয় তরিভগ্ন হয়ে
পড়িছি এ দেশে মোরা—হারায়েছি হায় !
(স্মরিতে বিদরে বুক সে দারুণ কথা)
প্রিয়তম প্রাণাধিক বসন্ত কুমারে !

বৈজ । হায় ! কি দুঃখের কথা !

চিত্র । বৈজয়ন্ত ! জন্মশোধ গিয়াছে ফুরায়ে
জীবনের যত সাধ—ফিরিবার নয় !
সে জ্বালা জুড়াতে স্থান নাহি ভূমণ্ডলে !

বৈজ । চিত্রধ্বনি ! আমিও হে তোমার মতন
হয়েছি জীবনশূন্য তনয়া হারায়ে !
কিন্তু করে আরাধনা, শান্তির প্রসাদে
শীতল করেছি দগ্ধ তাপিত হৃদয়ে ;—
বুঝি তুমি করো নাই আরাধনা তাঁর !

চিত্র । কি বলিলে, বৈজয়ন্ত ?—কন্যা হারায়েছ ?
হায় রে বিধাতঃ, হায় !—কি নিষ্ঠুর তুই !
আমি কেন না ভুবিহু ? বাঁচিল না তারা ?

রাজা রাণী হতো আজ গুজরাট নগরে
থাকিত যদ্যপি দৌহে !—কবে হারায়েছ
অহে ছহিতা তোমার ?

বৈজ । এই রুড়ে ।—

দেখিতেছি এরা সবে হতচিন্ত হয়ে,
করিছে বিস্ময়জ্ঞান সহসা মিলনে,
ভাবিছে নয়নে যাহা করিছে দর্শন
নয়নের ভ্রম তাহা ! বদনের স্বর
আপনার বাক্য কি না, ভাবিয়ে অস্থির !
অহে মতিভ্রাস্তগণ, বৈজয়ন্ত আমি,

সেই কঙ্কনের পতি, তোমরা যাহারে
 করেছিলে দেশত্যাগী কঙ্কন হইতে ;
 আশ্চর্য্য দৈবের শক্তি, পেয়ে পরিত্রাণ
 হরন্তু সাগর হতে, এসেছি এদেশে
 রাজত্ব করিতে এই জনশূন্য দ্বীপে ।
 পশ্চাতে বলিব সব, সময় এ নয়,
 এক দিনে সে আখ্যানো হবে নাকো শেষ ;
 এখন প্রবেশ সবে কুটীর ভিতরে—
 রাজ-অটালিকা এই এখন আমার,
 দাস দাসী নাহি হেথা, প্রজ্ঞাও বিরল ।—
 যথাসাধ্য সমাপিব অতিথি সৎকার ;—
 গুজরাজ ভূপতি তুমি রাজ্য ফিরে দিলে,
 আমিও কিঞ্চিৎ দিব বিনিময়ে তার ;
 অথবা বেক্রপ তৃপ্ত করিলে আমার,
 রাজ্য দিয়ে পুনর্বার আমিও তেমতি,
 করিব তোমায় তৃপ্ত আশ্চর্য্য দেখায়ে ।

(গুহার দ্বারোদ্ঘাটন এবং দাবাক্রীড়ারত নলিনী

ও বসন্তকে সন্দর্শন ।)

নলি । প্রাণনাথ ! ফাঁকি দিলে ?

বস । না, প্রেয়সি, না—ব্রহ্মাণ্ড পেলেও নয় ।

নলি । ব্রহ্মাণ্ড ত দূরে থাক, দশটি রাজ্য পেলে,
 যুদ্ধ-রিগ্রহেতে, নাথ, নিরস্ত হবে না ;—

চিত্র । এ যদি অসত্য হয়, পুনরায় তবে
 পাব আমি পুত্রশোক—মরিবে তা হলো
 এক পুত্র ছই বার !

রূপ । (স্বগত) কি আশ্চর্য্য !—অসম্ভব ! কখনো সে নয়

বস । মিথ্যা তবে জলধীরে শাপান্ত করিহু,

বিভীষিকা দেখাইলা সমুদ্র আমার ।

স্বাহা শান্ত বারিনিধি প্রশান্ত হৃদয় !

(পিতার চরণে প্রণত ।)

চিত্র । ওঠো পুত্র, ওঠো বাপু, করি আশীর্বাদ
চিরস্থখে সুখী হও !

নলি । ওমা, ওমা—একি দেখি !—অপরূপরূপ
এত প্রাণী কোথা থেকে আইল এখানে !
আহা, কি লাভ্য ছটা !—মানব এমন
সুন্দর আকৃতি, তা তো স্বপ্নেও জানিনে !
ধন্য ভাগ্যবতী ধরা, নিবাসে যেখানে
এ হেন সুন্দর জীব !—অতি রম্যস্থান
সেই নবীন পৃথিবী !

বৈজ । হা রে পাগলিনী মেয়ে ! নবীন পৃথিবী
তোমারি নিকটে স্পর্শ ।

চিত্র । হ্যাঁ বসন্ত ! যার সঙ্গে ক্রীড়ায়ত ছিলে,
ও রমণী কোন্ জন—মানবী না দেবী ?
ওঁরি আশীর্বাদে পুনঃ হলো কি সাক্ষাৎ ?
হবেনাকো প্রহরেক পড়েছ এ দেশে,
এরি মধ্যে এত গাঢ় জন্মেছে প্রণয় ?

বস । দেবী নয়, মানবী গো,—ইহারি নন্দিনী—
ইনিই রুক্মনপতি, সখ্যাতি বাহার
শুনিলাম জনরবে, চক্ষে দেখি নাই ।
দৈবগুণে এ রমণী আমারি এখন ;—
করিয়াছি মনোনীত না করয়ে জিজ্ঞাসা,
জিজ্ঞাসা করিতে আশা ছিল না যখন,
ভবেছিলাম যে সময়ে হারায়েছি পিতা !—
প্রাণদান দিয়াছেন ইনিই আমার,
কন্যাদানে হয়েছেন পিতার সমান ।

মন্ত্রী । এতক্ষণে মনে মনে আহ্লাদে রোদন

করিতে ছিলাম তাই বাক্য নাই মুখে,
নতুবা কল্যাণ আমি করিতাম আগে ।
হে ত্রিদিববাসীগণ, কটাক্ষ করিয়া
রাখ স্মৃতে এ দৌহারে—কর চিরজীবী !
তোমাদের নিয়োজিত ভবিতব্য বলে
একত্রেতে সমাগত হয়েছি সকলে ।

চিত্র । তথাস্ত—তথাস্ত, মস্ত্রি !

মস্ত্রী । কঙ্কন ভূপতি ত্যক্ত কঙ্কন হইতে
হলো কি ইহারি জন্যে ?—গুজরাট নগরে,
হয়ে বল্যে অধিকারী বংশাবলী তাঁর ?
কি আনন্দ !—কি আনন্দ !—হীরার অক্ষরে
লেখা থাক এ আখ্যান পাষাণে প্রথিত—
“যে যাত্রায় কলাবতী সিংহলে মহিষী,
বসন্ত তাঁহার ভ্রাতা হয়ে নিকদ্দেশ
করিল রমণীলাভ কুঠের প্রবাসে ;
জনশূন্য দীপমাঝে, দৈবশক্তি বলে
বৈজয়ন্ত হারারাজা পাইল আবার !”—
আমারাও যতজন প্রাণে প্রাণে বেঁচে
হইলাম যে যেমন ছিলাম পূর্বেতে ।

চিত্র । এসো মা, এ দিকে এসো—এসো পুত্র এসো ;
আশীর্বাদ করি দৌহে, চিরজীবী হও ;—
এআনন্দে আনন্দিত যে না হবে আজ,
জন্ম জন্ম নিরানন্দ থাকে যেন তার ।

মস্ত্রী । তথাস্ত—তথাস্ত !

(দাঁড়ি মাঝীদের লইয়া সুলালীর পুনঃপ্রবেশ ।)

দেখুন মহারাজ, ওদিকে দেখুন—এরা কোথেকে ! অরে
ব্যাটা পাজি, জাহাজের উপর যে বস্তু গলাবাজী কচ্ছিলি—মাটিতে
পা দিয়ে যে এখন আর মুখে কথাটি নেই।—খপর কি বল ?

মাকী । প্রথম সুখপর এই যে মহারাজ এবং তাঁহার সঙ্গীগণকে নিরাপদে দেখছি ;—তার পর এই, যে জাহাজখানি—যাহা ঘণ্টা দুই পূর্বে মনে করেছিলুম যে ভেঙে চূর্ণশার হয়েছে, এখনও নিটুট আছে—একগাছি দড়াও আলগা হয়নি—দেশ থেকে ছাড়বার সময় যেমনটি ছিল, ঠিক তেমনিটিই আছে ।

সুমা । (জনান্তিকে) প্রভু দেখুন—আমি গিয়ে কত কাজ করেছি ।

বৈজ । বেস্ বাবা—বেস্ ।

চিত্র । এ সকল ভৌতিক ব্যাপার, স্বাভাবিক নয়, ক্রমশঃ দেখ্‌চি আশ্চর্য্যের উপর আশ্চর্য্য বাড়্‌চে । তার পর এখানে কিরূপে এলি ?

সঃ দাঁ । আমি স্পষ্ট সজাগ ছিলাম, এমন যদি বুঝতে পাতুম, তা হলে মহারাজকে সব ভেঙে বলতুম ; কিন্তু আমরা যেন ঘুমের ঘোরে মড়ার মতন হয়ে কতকগুলো খড় চাপা পড়েছিলুম (ক্যামন কর্যে যে তার ভেতর সেঁধুলুম বলতে পারিনে ;) কিন্তু তেমনি হয়ে পড়েছিলুম ; তার পর এই খানিকক্ষণ হলো চার্দিক থেকে একবারে চীৎকার, কান্না, শিখলির ঝন্ঝনি, আর নূতনতর কত যে ভয়ানক শব্দ হতে লাগল, তাতেই ঘুম ভেঙে দেখি, ~~সে~~ হাতের পায়ের বান্দন খুলে গেছে, এবং তার সঙ্গে সঙ্গেই আমাদের চাঁচা-ছোলা চক্‌চকে জাহাজখানি দেখতে পেলুম ; মাজির পো, তাই না দেখে হাত পা তুলে নাচতে আরম্ভ কল্লে । তার পর চকের পাতা ফেলতে না ফেলতে, যেন ঘুমের ঘোরে স্বপন্ দেখতে দেখতে এইখানে এসে উপস্থিত হয়েছি ।

সুমা । (জনান্তিকে) প্রভু গো, ভাল হয় নি ।

বৈজ । বেস্ হয়েছে, অতি পরিপাটি হয়েছে ; অতি সম্বরেই তোমার দাস্ত্র মোচন করব ।

চিত্র । এমন আশ্চর্য্য ত কখন দেখিও না, শুনিও না ; এ ত স্বাভাবিক ব্যাপার বল্যে বোধ হয় না । আকাশবাণী না হলে ত এর নিগূঢ় তত্ত্ব কিছুই বোঝা যাবে না ।

বৈজ। মহারাজ, এই সব আশ্চর্য্য ব্যাপার ভেবে ভেবে বিব্রত হবেন না ; সাবকাশ মতে অতি শীঘ্রই আদ্যোপান্ত সমস্ত বিবরণ করব, তখন বুঝতে পারবেন যে এ সকলি সম্ভব—কিছুই অসম্ভব নয়। এক্ষণে নিরুদ্বেগ, প্রফুল্লচিত্ত হউন, এবং যে কিছু ঘটনা হয়েছে ইষ্টসাধনের জন্যই হয়েছে জ্ঞান করুন। (জনাস্তিকে) সুমালি! এদিকে এসো;—বর্কট এবং তার সঙ্গীদের বন্ধন মোচন করে দেও গে।—মহারাজের কোন অসুখ হচ্ছে না ত? আপনকার অনুচরদের মধ্যে এখনও দু এক জন বাকি আছে, স্বরণ হচ্ছে না কি?

(বর্কট, উদয়, এবং তিলককে লইয়া সুমালীর পুনঃপ্রবেশ।)

উদ। লোকে আমার অমার কর্যে কেনই মরে; সবাই যেন পরের জন্যেই ভাবে—আপনার জন্যে ভাববার কোন প্রয়োজন নেই—কপালই মূল। বাবা জানোয়ার—তুই কি বলিস।

তিল। এই যদি আমার ঘাড়, আর এই আমার গর্দান হয়, তবে যা দেখছি তা ত বড় মন্দ নয়।

বর্কট। ও আমার মায়ের বাপ্। বাস্‌রে বাস্—উঃ! কি বড় বড় ধরি—ক্যামন সুশ্রী, আমার মনিবও ত কম্‌ না। কিন্তু ভয় হচ্ছে, পাছে আবার বাত্‌ ধরিয়ে দেয়।

উদ। কি গো অনন্তদেব—বলেন কি—এদিকে দেখেছেন—এমন জিনিস্‌ কি কড়িতে কিন্তে মেলে।

অন। তাই ত—এটা কচ্ছপও নয়, মানুষও নয়;—বাজারে নিয়ে গেলে বেচতে পারা যায়—তার ভুল নাই।

বৈজ। এদের চাপটাপ্‌ গুলো ভালো করে দেখুন, তা হলোই বুঝতে পারবেন।—কিন্তু এই ব্যাটা—এই কিন্তূত-কিমাংকার ভূতটা—আমারি লোক—ওর মা বেটী ঘোর ডাইনী ছিল, জোয়ারভাটা এবং চন্দ্রের উদয় অহুদয়, আপনার আজ্ঞাধীন করে তুলেছিল। এই ক ব্যাটায় মিলে আমার বিস্তর দ্রব্যাদি অপহরণ করেছে, এবং এই নচ্ছার পাজিটা আমার

মারবার জন্যে ওদের সঙ্গে এক জুটী হয়ে কুটীরের মধ্যে প্রবেশ করেছিল ।

বর্ক । (স্বগত) যা, এইবার প্রাণটা গেলো !—যত ব্যাটা পরিকে দিয়ে আমার হাড়গুলো খুর্বে দেখছি ।

চিত্র । এ কে—আমার ভাগ্যবানী উদয় মাতাল না ?

অন । এখনও মদে চুর্চুরে রয়েছে—মদ পেলে কোথায় ?
অরে তোদের এ দশা কোথেকে ঘটল ।

তিল । আর কোথেকে ! মাথাটা যে মাথায় আছে এই চের ।

রূপ । অরে উদয়—তোর কি ?

উদ । আর কি ! গায়ের মাস গায়েই যে আছে এই আমার বাপের ভাগ্য ।

বৈজ । তুই এই দেশের রাজা হবিনে ?

উদ । আর কাজ্ নেই মশাই, যা হয়েছে তারই যা স্মধুরতে এখন কদ্দিন যাবে । তোমার দুটো পায়ে চারটে গড়—বাপ ।

বৈজ । ব্যাটার বাইরেও যেমন, ভেতরেও তেমনি ;—যা ব্যাটা যা, এই দুজনকে নিয়ে কুটীরটা ভালো করে ঝেড়েঝুড়ে সাজিয়ে রাখ্গে—ভাল চাস্ ত যা ।

বর্ক । এক্ষণি যাচ্চি—এমন কর্ম্ম আর করব না ; যাট হয়েছে, দোহাই তোমার—আমায় মাপ্ করো ।—আমার মতন গাধা কি আর দুটা আছে, এই মাতালটাকে দেবতা ভেবে ছিলাম—আর এই ভাঁড়টাকে পূজা করবার উজ্জুগ্ করেছিলুম ।
—ছি ছি—ধিক্ থাক্—আমাকে ধিক্ থাক্ ।

বৈজ । যা শীগ্গির যা ।

চিত্র । যা, তোরা ও যা, দ্রব্যসামগ্রী যেথানকার যা এনে-
ছিচ্ রেখে দিগে যা ।

উদয় । আনিনি বড়—সাত্ই করেছি ।

[বর্কট, তিলক এবং উদয়ের প্রস্থান ।]

বৈজ । মহারাজ, অমুগ্রহ করে সহচরবর্গের সঙ্গে একবার

আমার কুটীরে পদার্পণ করুন ;—অদ্য রাত্রি কথার বিশ্রাম করে
প্রান্তিদূর করুন । আমি দেশত্যাগী হবার পর এই দ্বীপে আশা
অবধি যে সকল ঘটনা হয়েছে, সমুদায় বিবৃতি করে কৌতুকে
কালান্তিপাত করার । কল্য প্রাতে আপনকার জাহাজের নিকট
লয়ে যাবো ; পরে আপনাকে গুজরাটে অবতরণ করে দিয়ে
কঙ্কনে প্রত্যাগমন করব ।—এখন আমার আর অত্ন বাসনা
নাই, কেবল গুজরাটে এঁদের দুজনের বিবাহোৎসব সমাধানান্তে
কঙ্কনে গিয়ে পরকালের চিন্তায় কালান্তিপাত করি, এই আমার
বাসনা ।

চিত্র । তোমার জীবনবৃত্তান্ত অতি কৌতুকাবহ হবে, তার
সন্দেহ নাই ।

বৈজ । আমি আদ্যোপান্ত সমুদয় শ্রবণ করার এবং নির্বিঘ্নে
সকলকে স্বদেশে প্রত্যানয়ন করব—দেখবেন সমুদ্র স্থস্থির
থাকবে—সুবায়ু সঞ্চালিত হবে—জাহাজখানি বায়ুমুখে নির্বিঘ্নে
অতি দ্রুত গমন করতে থাকবে ।

(জনান্তিকে) স্মমালি ! বাপ্ আমার ! দেখো বাপ্ তোমার
এই ভার ;—এই কাজটি শেষ করে, তার পর আকাশ পাতাল
যে ঘটনা খুসি উড়ে যেইও—তোমার দাসত্ব মোচন কল্যাম—
আশীর্বাদ করি স্নখে থাক ।—আমুন, আপনারা আমুন ।

[সকলের প্রস্থান ।

যবনিকা পতন ।

